

# *KULAMWA MPAWO*

## *KUBA AKUYANDISISYA*

 Nda kulumba, maningi, Mukwesu Parker.

Kwasiya kabotu, beenzuma. Ncibotu kuba kokuno sunumasiku alubo. Elyo Ndi yeeyela kuti mwa katala kukkala, kuswiilila kuli ndime. Elyo Nda ka—Nda kakatala loko, kwaanga jwi, kwaanga jwi aniini kuzwa ku kukambauka canguzu loko.

<sup>2</sup> Nda zwaa kukanana ku Mukwesu Parker okuya, a kumwaambila kuti Nda syoma eyi njimwi ya miswaangano mibotu maningi Mwami njá kandilekela kuba mu ciindi cilamfu. Taili mipati, nywebo mulizi Nce pandulula, pele taili mupati maningi. Kwakanyina banji maningi baka kujanika kuli njiyo, pele i—i—i zyeelelo zya ncico, zyakali zibotuloko. Lusyomo, ma, luboneka mbuli kuti cintu cili coonse inga cacitika. Nda botelwa musyobo oyo wa muswaangano oko nko limvwa buyo mbuli kuti kufumbwa cintu inga cacitika kufumbwa ciindi. Elyo Nda—Nda ciyanda eco. Elyo Ndili masimpe kuyooba micelo ikkalilila, nkabela iyo litondezya ini.

<sup>3</sup> Nda nyomenena ncobeni lukakatilo lwanu loonse, kukkala, kuswiilila kandi kambauka kwa maora, elyo mpawo kujoka masiku atobela. Yebo inga waima ncobeni ku cisubulo cinji. Mwabona? Aboobo Ndili . . . Ndi lizyi muli jisi lukakatilo lunji. Aboobo tuli . . .

<sup>4</sup> Ndi yanda kwaamba, kuli ndiswe toonse, kuti tuli lumbide kuli ndinywe, ku Mukwesu oyo Thomas. Nse konzyi buyo kupandulula kulimvwa kwangu ku Mukwesu Thomas. Wa, Nda kayeeya kuti Nda kali muzyi, pele Nda kamwiimpya kuba mutun umwi umbi. Nda kasukana maanza a mukaintu wakwe, muyandisi muubauba. Elyo mbalanda ncobeni ba Kristo. Elyo Nda syoma ncobeni kuti, Leza nawayanda, kuti tuzila twesu tuyo landuka, ziindi zinji zimbi, mu buumi.

<sup>5</sup> Ikuti na Nda kali ndinywe no bantu, a kukkala kubusena okuno, mbungano yakwe mbo busena Nkweya kuunka. Aboobo Nda—Nda bayanda, mwaalumi uli . . .

<sup>6</sup> [Mukwesu Parker Thomas waamba, “Nda bijilwa kunyonganya Mukwesu Branham mbuli boobu, pele Ndi yeeya kuti ciyooba kabotu aa ciindi eci ceelede. Nda mulumba ku kulumbaizya oko a zintu ezyo zibotu nzya kaamba. Nda libuzya buyo ikuti na bantu beengelede okuno, a boonse bajanika ku muswaangano oyu wabaiminizi, banga bayanda kuti akajoke. Ino kujatikizya ceeco? Nyoonse mula ciyanda?”]

Mbunga yalumbaizya—Mul.] Nda kulumba. [“Mu kasimpe, sa inga mwayanda kujoka Gandapati iicilila a—a kukkan buyo a ndiswe? Ikuti na wacita, koima ku matende ako. Koboola.”] Ndaku lumba. [“Ncibotu. Kokkala.”]

<sup>7</sup> Nda kulumba, maningi. Eco ncibotu ncobeni. Nda kulumba, Mukwesu Parker. Ndili loko . . . [Umwı waambaula ku Mukwesu Branham—Mul.]

<sup>8</sup> Wa kati zyoonse zya mali aka bbadelwa, a zintu zyoonse. Twa mulumba nyoonse ku kubelekela amwi kubotu, lugwasyo, nkaambo, nywebo mulizi, cila dula kuba amiswaangano eyi yabaiminizi. Elyo aboobo zintuzyonse zya bbadelwa. Eco cili kabotu loko. Tuli lumbide buyo. Zintuzyonse, mukati a atala.

<sup>9</sup> I Mwami waka futuka, kaponesegwa, a zintuzyonse zya citika, aboobo tuli kkomene buyo kuba cintu . . . mukubona ceeci. Kusulaika kubona muswaangano oyu kunjila mu makani aakale. Pele ciyo boola alubo ku i . . . Kaindi loko, mu ziindi ziciza, tuyo bona micelo.

<sup>10</sup> Lino tu yanda kulumba bantu boonse alubo, Ndi yanda ku, ku zipego ziniini ezyo nzo mwa katuma kuli ndime kuciindi eci. Nda lumba eco maningi, maningi.

<sup>11</sup> Elyo lino, tuyo selemukila ku kuswaya Mukwesu Bigbee ku South Carolina, Columbia, Columbus, South Carolina. Elyo tweelede kuba kokuya juunza masiku a Bwabili masiku, a Mukwesu Bigbee. Mpawo tuunka ku West Coast.

<sup>12</sup> Ndi yanda ku mubuzya, elyo mpawo, kuzwa awo, Nda yeeyela, twamana kumanizya muswaangano oyu wanguzu kutala okuya, Ndi yanda kuya ku Africa, Australia, New Zealand, a kwinda kokuya. Sa inga Nda lomba mipailo yanu kuli ndime, kuti Leza uyo ndigwasya? [Mbunga yaamba, “Ameni.”—Mul.] Elyo ndamu lumba kapati.

<sup>13</sup> Elyo tuli lumbide kapati ku zintu zyoonse. Nda amba eco kuli lwangu a ku bantu bali kokuno kuzwa ku cikombelo. Ndi jisi wesu . . . na bamwi basyomesi besu okuno, a bamadaikona, a bamwi beenzuma bangu kuzwa kunselelo okuya.

<sup>14</sup> Mweembeli wesu nkwalı. Nse na konzya kubona Mukwesu Neville. Ndi yeeyela kuti wa kazibisigwa. Sa wacita? [Mukwesu Parker waamba, “Inzya.”—Mul.] Inzya. Mukwesu Neville. Uli kuli, Mukwesu Orman. Nse konzyi buyo ku mumvwisya. Elyo, oh, ma! Kusule okuya, cabupati buyo. Boola okuno aniini.

<sup>15</sup> Oyu muntu, Ndi lizi kuba mulanda wa Kristo wakasimpe. Wa kapendulwa mu wuulu wa Methodisti, elyo mpawo waka tambula Muuya Uusalala. Lino ngwa Methodisti ya Muuya Uusalala. Oyu mweembeli wesu muyandisi.

<sup>16</sup> Yanda kusuka janza lyako, Mukwesu Neville. [Mukwesu Neville waamba, “Nda kulumba. Leza aku longezye. Cabota ku kubona.”—Mul.] Nda kulumba. Jisi zyuuno . . . ? . . .

<sup>17</sup> Nda kamuziba Mukwesu Neville kwa myaka, a mukaintu wakwe, mubotu muniini, akwalo kabatana kwatana. Elyo myaka eyo Nje kamuziba, tana cinca nokuceya, biyo wakeenda atala maningi muli Leza. Kwa mana. Pele ula buyaame. Tula muyanda lino mbuli mweembeli. Wa kali omuya kwa myaka, alimwi tu langila kuti ula kkala mane Jesu akaboole, ikuti na nduyando lwa Mwami.

<sup>18</sup> Elyo sa inga wayanda kwaamba bbala ku bantu, Mukwesu Neville?

<sup>19</sup> [Mukwesu Neville waamba, “Ee, Nda botelwa ncobeni kuba okuno mu nkamu antoomwe a bantu ba Leza aba bali kabotu, eco cakali coolwe cangu caku swaangana kwa myaka eyi iili kkumi. Ta ndizi na Nda bamba Gehazi mubotu, na pe, pele Nda sola ku bweza musako wa mwaalumi oyu wa Leza. Walo ulainda kuba mulongwe kuli ndime. Mbwa kabede, mbuli mbo cakabede, taata mu Makanimabotu, kuli ndime, akwalo, nekubakuti Nda mwiindilila ku myaka misyoonto mu kukomena—Mul.]

<sup>20</sup> [“Pele, nekubaboo, Nda botelwa loko, akwalo, kuba mu muswaangano oyu. Cintucimwi caka ndijata kunselelo awa mu Southern Pines, kuti Nda buyanda busena obu kabotu loko. Elyo Nda bubotelwa kapati. Ndi lizi kuti Leza waka jisi janza mu buntu bwangu kukonzya kuboola okuno a kuba a Mukwesu Branham mu muswaangano oyu. Aboobo, Nda kabotelwa kapati kuba kookuno, zintu zyaka beleka buyo cabuteteete a kabotu loko, kuti Nse konzyi buyo kulumbaizya Mwami kunji, sunumasiku, kuli ceeci coonse.]

<sup>21</sup> [“Pele, kwiinda zyoonse, Nda kati, cindi Ne kasika okuno, kuli cintu comwe eco ciyandisi cipati muswaangano woonse kuli ndime, nkabela eelyo ndi Ijwi lya Leza. Ameni. Inga nse . . . Ikuti na Nse bona muntu kaponesegwa, ikuti na Nse bwene umwi ku kombela balwazi, ikuti na Leza wazumanana buyo kundipa Ijwi Lyakwe, nkooko kukondwa kuzuzya buntu bwangu, a kuzwa kundi lya matende angu kusika atala lya mutwe wang, eli Ijwi lya Mwami. Elyo, ameni.]

<sup>22</sup> [“Nda botelwa kuti Leza walongezya oora eli lya mulanda wa Leza a musinsimi. Elyo Nda kamvwa Cilongezyo kacizwa kuli nguwe kuli ndime, aboobo Ndili kkomene kuti Nde elede kuba kokuno. Nda syoma nyoonse mwacimvwa cintu nciconya eco Nce cita, mu miswaangano eyi. Leza wa longezya mulanda Wakwe ncobeni kunselelo awa ku busena obu. I kaambo nce Ndi zyi kuti, wa kacitondezya kaindi kainda. Elyo zintu zipati zyanguzu ezyo nzyo tujisi mu Lusyomo, sunumasiku!]

<sup>23</sup> [“Taata, Bbaibbele lila tuyiisya, ta tuyandiki kuba a zintu zilibonya. Koonse nko tubulide nku, cindi twa komba, syoma, alimwi twa cijana kale. Ameni. Ndi bajisi lino, nkaambo eyo nje nzila Bbaibbele mbo lyaamba kuti mbo cibede. Elyo Nda botelwa muli ceeco, nkaambo Leza uli mukucita zintu ezi

zibotu kwinda muli oyu, mweembeli wesu, Mulanda wa Leza a musinsimi, Mukwesu Branham. Elyo akube kuti Mwami amulongezye lyonse a kuzumanana kumubamba mu Nzila eyi. Alumbwe Mwami!”]

Leza aku longezye, Mukwesu Neville, kuzwa ku moyo wesu oonse.

<sup>24</sup> Lino, nywebo mulizi, cindi mwainka ku pikiniki, ikuti na umwi wapatila ku cisamu ciniini amwi, ee, tamu konzyi, tamu zyi na nko cicili nape, mwabona, nkaambo cili bambidwe, kubikkwa, na cintucimwi. Pele cindi mwa ziba kuti kuli samu lyakaindi lya mubanga lyaka kkala cakutonkomana, inga wayeeya kabotu kujatikizya kukkala kunsi lya samu elyo akupumuna. Oyo Mukwesu Neville, mbubonya buyo buzuba abumwi, kuyabuya buyo ncobeni. Aboobo Ndili kkomene kapati kuli ceeco.

<sup>25</sup> Tu jisi—jisi mukwesu umbi awa, mweembeli muniini, imwi ya mambungano esu nge tubeleka antomwe ya mbungano yesu kunselelo okuya. Ikuti na ta booli, Ndi yanda kuti aimikile, Mukwesu Junior Jackson, uumbi Methodisti uuzwide Muuya Uusalala. Junior Jackson, uli kuli? Mukwesu Junior Jackson, muna Methodisti, uuzwide Muuya Uusalala. Ngooyu mpali, mpoonya *awa*, Mukwesu Jackson. Uyanda kwaamba cintucimwi, na kufumbwa cintu nco yanda kwaamba? Yaa.

<sup>26</sup> Umwi umbi ngooyu Mukwesu Palmer, umwi umbi wa bakwesu awa. Sa inga mwaimikila, Mukwesu Palmer? Ii mweembeli uzwa kumusanza mu Macon, Georgia, ngumwi wa beenzuma.

<sup>27</sup> Elyo Mukwesu Fred Sothmann, Ndi lizi nkwalii okuno. Nguumwi wa basyomesi besu ku mbungano. Uli kuli, Fred? Abusena bumwi mukati omuno, ukkede kusule kwini.

<sup>28</sup> Mukwesu Banks Wood, uli kuli, Mukwesu Banks? Nguumwi wa basyomesi besu umbi, *okuno*.

<sup>29</sup> Mukwesu Banks wakali Kamboni wa Jehova, nywebo mulizi. Elyo wa kaboola mu muswaangano, elyo wa kajisi mulombe mulema, David, kuulu kwakwe ka kulemene, kuzwa ku poliyo. Elyo Nda kali mu muswaangano wa tente, elyo lutaanzi wa kabona i... Wa kali kokuya ku—ku Dallas, masiku...na, Houston, cindi Muuya Uusalala niwakaseluka mu ciimo eco ca Mumuni oyo, elyo baka bweza cifoto ca Nguwo. Mukwesu Wood wakaliko. Aboobo, Nse kamuzi mpawo. Elyo aboobo wa kabweza mali manji antoomwe. Walo muyasi mupati. Wa kaboola ku muswaangano utobel. Nda kaunka ku masi alandukwa lwizi, kuzwa kokuya, a kuunka ku muswaangano utobel. Wa kajisi mulombe wakwe mulema, a poliyo. Elyo kuciindi nitwa kali... Nda kaliimvwi alya kunsi lya bunanike bwa Muuya Uusalala, kujokela kulanduka bbunga, kaambaula

kuli nguwe. Kamwaambila makani oonse a ncico. Kamwaambila kwiimikila.

<sup>30</sup> David, uli kuli? Sena nkoli, sunumasiku? Inzya. I mulombe wakali mulema, ngo nguwe. David, ikuti na bantu taba syomi kuti Leza inga waponya muntu oyo ujisi kuulu kwakwe kwa kalemana kuli poliyo, a zintu, Nda lombozya inga weenda buyo okuya, aniini buyo, kuba tondezya mbo konzya kweenda. Inzya. Inzya. Awa, kutali buyo kutondezya kwabuleya, pele bumboni buyo. Awo, mwabona, kutali kusunkuta akwlao na cintu cimbi, kuba kabotu akuponesegwa cakumaninina. Mwabona? Kwalo nkubotu ncobeni, kubotu loko, eco Mwami wesu nca konzya kucita. Lino, ikuti na Uyo mucitila eco, baa, Uyo cicita ku muntu umwi umbi. Mwabona? Aboobo, masimpe, cili buyo ikuti na twa konzya kujana musyobo oyo wa lusyomo.

<sup>31</sup> Lino, mubwini, nyoonse muli zibilene, kuziba Mukwesu Ben kunselelo okuno. Walo buyo...nywebo mulizi, oyu muntu ngo mukonzya kumvwa kwiinda boonse, kwaamba, "Ameni." Nda mwaambila aniini. Nda bijilwa kwaamba ceeci ali nguwe; mukaintu wakwe ukkede alya. Toonse tula tuyanda Ben. Elyo cakali obo katana kwatana. Nda kali kubusena ku West Coast. Elyo mulombe oyo uzwa ku southern Indiana.

<sup>32</sup> Nda kali kubusena kuya ku West Coast, nkekambauka buyo, kutala mu busiku bomwe, Ku Kkuti lyaku Fernando, kkuti, a bantu ba Baptisti, tente pati lizwide bantu. Lino, balo musyobo wa bantu bakalondolwa, nywebo mulizi. Elyo Nda kali kukambauka buyo kuzwa. Cakugama Nda kamvwa guwo lyuungisya cabukali; nkata ya masusu iisiya, kaizungaana, mbuli—mbuli—mbuli—mbuli ina Mexico; matende obilo mapati kaalengelela mujulu; maanza akwe mbuli *boobo*. Nda kaima. Nda kati, "Ben, nkokuli mu inyika nko kasika okuno?" Ngooyo mbwa kabede.

<sup>33</sup> Leza aku longezye, Ben. To cili buyo mbuli kwiima, koimikila buyo, yebo a mukaintu wako. Tu yanda buyo bantu ku...Mukwesu Ben, ngo nguwe wakali kwaamba "maameni" kunselelo *okuno* mu kkona eli awa. Leza aku longezye. [Mukwesu Ben Bryant waamba, "Tulombelela mipailo yako yoonse. Tu syoma kujokela mu mulimo wa missionari, kakutanaba ciindi cilamfu, mu malundu, Mukwesu Branham."—Mul.] Ameni. Leza amu longezye.

<sup>34</sup> Mukwesu Way, missionari umbi, kusola kujana nzila yakwe kuya mu masena akutolela lusyomo. Uli andiswe, sunumasiku. Tuli muzyi. Wa kali kweendeenda mu nzila yesu kwa kaindi kaniini. Uli kuli, Mukwesu Way? Sa uli mu muswaangano? Mpoonya *awa*, a mukaintu wakwe. Elyo lino, Nda mwaambila, lumamba akati ka England a Norway lwa kamana. Walo muna Englandi, alimwi mukazi muna Norwegia. Bali koonse. Bantu babotu. Iiyi, munene. I lumamba lwakamana lonse.

<sup>35</sup> Mukwesu Boze wakali kunselelo, busiku bumwi, katondezya cifwanikiso cakwe, a kwaamba, “Oh, ee,” wa kati, “ngoooy mwanakazi . . .” Oyo Mucizi Sothmann. Elyo ni Nda kamulekela kwiima, a Fred, mukati muno abusena bumwi. Bantu babotu. Elyo muna Norwegia. Mubwini, Mukwesu Boze muna i—muna Swede. Elyo wa kati, “Hum! Hum!” Uli zyi obo Joseph mbwa cita. Kati, “Ngooyo mulindu awa, mucizi,” kati, “muna Norwegia.” Kati, “Mubwini, ikuti na tokonzyi kuba muna Swede, ncibotu kuba muna Norwegia.”

<sup>36</sup> Kazwa anze, wa kandilanga. Elyo Nda kati, “Mubwini, Joseph, ncibyaabi loko cakuti boonse taba konzyi kuba ba Irishi, bana Irishi.” Aboobo toonse tujisi gano ly a kusesya kunselelo kuya.

<sup>37</sup> Mukwesu Higginbotham, uli kuli? Kubusena okuno kubusena bumwi, ee, muntu umbi munaleza kuzwa kunselelo ly a nzila yesu. Umwi oyo wakali musyomesi ku mbungano kunselelo kuya, kwa myaka a myaka. Elyo mweenzinyina wakwe, Mucizi Arganbright, Mucizi Ruth Arganbright, mpoonya awa. Nda syoma uli kkede awa mu kazila. Koima. Mbangaye bamuzi Minor Arganbright? Umwi wa beendelezi baccilila mu Bantu Basimakwebo ba Makanimabotu Aazwide, mweeninyina kuli nguwe.

<sup>38</sup> Oh, ma! Ikuti na Nda impya umwi wanu no bantu! Mebo, Ndili kkomene kuli ndinywe, umwi aumwi. Ndili kkomene kuti muli atala awa andiswe. Ta tuzi, kunjila akuzwa.

<sup>39</sup> Mukwesu a Mucizi Dauch ukkede alya, awalo, a Mucizi Brown, Mukwesu Brown.

<sup>40</sup> Mukwesu McKinney, umbi mukambausi uumbi muna Methodisti ujisi Muuya Uusalala. Uli kuli, Mukwesu McKinney? Uli kuli, abusena awa? Walo uzwa kutala mu Ohio. Awa, alaale awa, umbi uzwide kukonzya kuuluka kabotu, wakazyalwa mu Ijwi eli, muna Methodisti wakayutuka. Mbo mbubo. Lino, lubbizyo lwa Muuya Uusalala, keenda nkambo ka Leza.

<sup>41</sup> Pat Tyler, mulongwe wangu wamunsi ukkede awa. Mukwesu Pat, koimikila. Nyoonse inga mwaziba Pat Tyler. Nda kulumba, Mukwesu Pat. Leza aku longezye. Wa kali similandu, cigebegna cantobolo, mujayı. Leza waka muvuna a kupanga kuba musalali kuzwa muli nguwe. Kulombelela kuya butanta myoota cisi coonse, ku kutobelwa miswaangano a zintu.

<sup>42</sup> Nywebo mulizi eco Nce yeeya bantu aba, oko nkoba kazwidä? Ndi yeeya ba Hebrayo, cipati 11, “Ba kazapaulwa mu zibela, akutuntulika mu zikutu zyampongo azya mbelele, balo batakali kweelelwa ku inyika.” Boonse bala bweza bumboni bwabo.

<sup>43</sup> Tom Simpson, uli kuli Tom? Sena wa boola? Ndali kuyeyya kuti Nda kabona mootokala wakwe okuno. Walo a mukwasyi wakwe, Ndali kuyeyya kuti wali kokuno. Ndiza Ndali lubide.

Iiyi. Bob kupilauka mbuli kulya ku ntambo ya kalobyo okuya, “bbampu-bbampu,” mbuli obo. Yaa.

<sup>44</sup> I Mwami amu longezye nyoonse. Tuli kkomene kuba kokuno. Mbaba bamwi bazwa ku Georgia, masena aindene. Elyo tuli kkomene kuti nyoonse muli waano, a kuswaangana, kwa beenzuma besu bakaindi.

<sup>45</sup> Sa Ndi langide ku Mucizi Peckinpaugh uuzwa ku Chicago? Nda kayeeya kuti Nda kali obo. Elyo Mucizi Little, a munsi lyakwe, a—a Mucizi D’Amico, bantu bayandisi, bayandwa bazwa ku Chicago, nkamu eyo ya banakazi abo bakali bayandwa maningi kuli ndime.

<sup>46</sup> Elyo bamwi bakkede awa. I mukwesu, Nse konzyi akwalo kwiita zina lyakwe, a kuzwa kumusanza mu Georgia kubusena bumwi. Ndi...Boonse abo, oh, ma, bali jisi buyo boonse bajatilila koonse awa. Tuli kkomene kuba mu luswaanano olu.

<sup>47</sup> Mudaala Mukwesu Bosworth wakali kundaambila, wa kati, “Mukwesu Branham, uli zyi kuti luswaanano ninzi?”

Nda kati, “Ndi yeeya booboo.”

<sup>48</sup> Kati, “Balo balombwana bobilo mu bwaato bomwe buyo” Aboobo mpaawo mpo tubede, pele tuli jisi luswaanano. I Mwami abe siluzyalo kuli ndinywe.

<sup>49</sup> Ndaku lumba kuli zyoонse nzo kacita. Elyo Njo bamba umwi wa yeeyi, oyu muswaangano, kulembwa apepa lyangu, mbuli cimwi ca zintu ziyandisi zya mazuba angu aa mulimo, nkambo kaku belekela amwi kwanu kubotu, aba bakwesu a bacizi babotu, a boonse bali tambidwe kapati. Ndalimvwa kwaanguluka maningi, kusikila Nda kakambauka kwaanga jwi ndemwini.

<sup>50</sup> Lino, Mukwesu Ned Iverson uyo zumanana miswaangano kutobela ndime, kumusanza ku—ku Columbia, kumusanza a Mukwesu Bigbee. Mukwesu Ned, sa uli mukati, sunumasiku? Ta ndizi naa...Iiyi, kusule kwini. Muna Presbyteria, kazwide Muuya Uusalala. Uh-huh.

<sup>51</sup> Elyo Dr. Lee Vayle a mukaintu wakwe, balongwe bangu, bayandwa bayandisi. Mukwesu Vayle wabeleka a ndime mu muswaangano, mweenzuma muyandisi. Nda yeeyela baalumi aba boonse baka zibisigwa a zintu. Sena nkoli, Mukwesu Vayle? Sena uli mu buyake, sunumasiku? Kusule kwini. I Mwami aku longezye. Mucizi Vayle, mpaali mpobede? Ndi kutambika buyo. Leza aku longezye, mucizi. Tuli kkomene kapati kuba a boonse okuno.

<sup>52</sup> Elyo nyoonse mula ndikombela lino. Elyo Nde enda buyo ku lusyomo, kusyoma kuti, kanji kufumbwa ciindi, inga twa bona Kuboola kwa Mwami. Ta ndizi buyo nzila, cindi, oko, pele Ndi yanda kulibambilila cindi Aku boola. Elyo ziindizimwi inga Nda yeeya kuti inga caba nzila *eyi*, alimwi inga caba nzila imbi. Pele,

nekuba, Ndi yanda kuba kuya cindi A boola. Ndi yanda kwiinka a Nguwe. Lino, obo mbo bukanze bwangu. Elyo kutali buyo kuti Ndi yanda kuunka; Ndi yanda beenzuma bangu boonse, alimwi Ndi yanda basinkondo bangu boonse, kuunka, abalo. Ndi yanda bantubonse kuunka.

<sup>53</sup> Nda kajisi cilengaano ciniini, na, Nse yandi ku ciita kuti kutolwa kujulu. Nse kajisi cilengaano mbuli ceeco. Nda kaliimvwi nke cilangide, kuli cebukila lwangu, okuno calino. Bunji bwamu mula cibala mu mamagazini a zintu. Beenzuma, tamu—tamu konzyi kwiimpya ceeco. Muta cici buyo.

<sup>54</sup> Lino, kuli abusena bumwi awo. Nda kali kokuya mbubonya mbuli Mbeweli waano, kulilanga alimwi lwangu. Nda kajisi zilengaano. Ndi lizi ezyo zilengaano mbo zibede. Ikuti na eco cakali cilengaano, cakali cimwi ceenzu loko Nce kasola kuba aco. Elyo Nda kabona bantu, bamwi bakaunka. Nda kababona okuya. Bapati bakali bakubusyi. Elyo ba kaliimvwi okuya, bantunsi mbubonya mbuli Mbwe bede, biyo kutabaa cibi. Kwa kali kwiindilila ku bulondosi. Kubotu maningi! To—to konzyi ku kwaamba mbo kwakabede.

<sup>55</sup> Elyo cindi Ne kaziba kuti Nda keelede kujoka, kwakali cintu comwe luzutu, kuti, Ndiyo bweeda, kusola kusungilizy bantu. Kufumbwa cintu nco cita, muta ciimpyi. Muta ciimpyi. Muta ciimpyi. To konzyi ku ciimpya. Zintuzyonse zimbi, lekela zintuzyonse zimbi kuunka, pele kuli bambila kuli ceeco, mwabona, kufumbwa nco cita.

<sup>56</sup> Ndi langilwa kwiinka mu masena akutolela lusyomo lino, ikuti na Mwami wayanda, mapeyo aya, cindi Nda joka kuzwa ku nyendo ezi, aboobo koba mu mupailo wangu. Nkaambo, okuno ncitere, mu ziindi zisyoonto mula bona muuya mubi uboola mu muswaangano a kusola kupilingana. Pele mu masena, abo mbang'anga a madaimona. Kwalo ncibotu kozyi ncoambaula. Ncobeni kali jisi. Nkaambo, alo madaimona, alimwi ayo muzundikizya mpoonya ansi. Pele, oh, buti, kutali ciindi cimwi... Nda caamba a janza lyangu awa ku Bbaibbele lyangu. Taakwe ciindi cimwi, alimwi mulizi kuti inga mwayeeyela na nziindi zyongaye kuzunguluka inyika nicaka zundikizigwa, pele eco Leza nca kanjila aa cilao a kumwayaula zisitilizyo, a kulitondezya Mwini, Leza, mbubonya buyo Mbwa kabede mu ciindi ca Eliya. Walo ucili Leza. Inzya. Kutali ciindi cimwi. Ako nkekaambo Nce...

<sup>57</sup> Bamwi banu, bakutausi bamwi, bala boola akundilomba kuya ku masena abo. Ndila lindila mane Nda limvwa kusololelwaa kuunka. Mpawo ikuti na Nda boola, Nda boola buyo mu zina lyangu lini, ikuti na Nda boola mbuli boobo, kuba buyo mweenzuma wako. Pele cindi Nda limvwa kusololelwaa kusika, mpawo inga Nda boola mu Zina lya Mwami Jesu. Kuseluka kuzwa mu ndeke eyo, izulilwa kuli ndime. Ameni. Nda

yeendlezya yoonse, mu Zina lya Jesu Kristo. Mpawo weelede kuyo Mu swaana okuya mpawo, nkaambo uli ngambela wa Leza mpawo. Pele lino, cindi mbungano imwi yaku tuma, na, mweenzuma umwi wakaita nduwe, cintucimwi, uyo unka buyo, kuyeyelia cintu alubo. Ma, kuyeyelabuyo! Ndi yeeyela kuti mwakatala kuswiilila kuli oyo umwi.

<sup>58</sup> Lino atu jule mu Bbaibbele lyakaindi lya luzyalo. Elyo katutana kucita eco, atu kombe. Mwabona, twa ambaula, a—a zimwi zimbi, elyo lino atu tonkomeke mizeeo yesu ali Nguwe eno kwa maminiti masyoonto aacilila.

<sup>59</sup> Taata wesu Wakujulu, twali kulumba bantu ku luse lwabo, a bupati bwabo, kulimvwa kwa lubomba kuli ndiswe, a nzila mbo tu balumba. Elyo lino, Taata, tu yanda ku Kulumba, kwiinda zyoonse, nkambo Nduwe, Mwami, oyo wakacita ceeci. Ndo Nduwe waka tulongezya a kutulekela kukkala antoomwe mu masena Aakujulu muli Kristo. Saatani naka nyonganya a—a kubisizya muswaangano wesu. Pele Wa ka tuyanda buyo kabotu loko, mane Wa tulekela buyo toonse kubungana antoomwe a kuba a luswaanano ku Ijwi. Elyo tula cilumba loko, Leza. Nekuba kwaanga aniini kuzwa ku kuminwa kwa jwi, Mwami, Nda jisi buyo ciindi cibotu boobu, kulimvwa Muuya Wako kulongezya buntu bwangu. I Ijwi, kutali buyo kuyanda cintu, kukunka mbuli milonga, mane Nde elede buyo kukkala acuuno. Leza, Ndili lumbide kapati kuli ceeco.

<sup>60</sup> Elyo akube kuti Mukwesu wesu Parker, a boonse babelesi bakwe, a busena obu bwa katutamba, Mwami, akube kuti balongezegwe. Kubapa zyuulu zya bantu. Swiilila, cindi ba kombela balwazi. Swiilila mipailo yabo, Mwami, a kuponya baciswa. Elyo cindi nobali mukusola kucita cintu cimwi mu Zina Lyako, ko cilemeka, Mwami. Ko bapa mucelo wa Muuya. Elyo i... Elyo bape kuyandisyua kupati kwa moyo wabo, Mwami, bantu nkambo ku kubbadelwa kwabo. Akube kuti, aa Buzuba obo cindi twa kwima okuya kumbele Lyako, akube kuti bantu bazwe koonse, kuwaala maboko abo ku muntu oyu, muyandisi munaleza a musako wakwe, “Ikuti nota kakkala mu muunda, Mukwesu Parker, inga notwatali kuno.” O Leza, tu lizi kuti oko nko kuyandisisya kusinizizye kwa kufumbwa mulanda wa Kristo wakasimpe, kuziba kuti inga basololela bantunsi, bacete bakasweeka kuya kuli Kristo uufutula. Nda Kulumba kuli ncico conse.

<sup>61</sup> Elyo lino, Mwami, twa lomba lino kuti Uyo leleka umwi aumwi. Elyo longezya miswaangano iiboola, koonse. Kounka a muunzi woonse. Koba a mbabo mbuli mbo tuzwa, sunumasiku, kwiinka ku maanda esu andeene. Koba a ndiswe mu lweendo. Kokkala aa vwili. Ko tantamuna sinkondo kuzwa kuli ndiswe, Mwami. Elyo Nda komba kuti Uyo opa zintu ezi.

<sup>62</sup> Lino kotupa kuyandisya kwa myoyo yesu, nkumbizyo aimwi, sunumasiku. A kwangu, Mwami, kuti Uyo komona Cinkwa ca Buumi kuli ndiswe alubo, sunumasiku. Kuli umwi awa utana futuka, kuba futula. Umwi uyandikana Muuya Uusalala mu lubbizyo, akube kuti Uboole sunumasiku. Kufumbwa balwazi; koba ponya. Kufumbwa kudekela; kobapa lutangalo. Ko cipa, Mwami. Longezya Ijwi Lyako lino mbuli mbo tu Li bala, alimwi akube kuti Mukamwini atupe ciiyo. Twa lomba mu Zina lyu Jesu. Ameni.

<sup>63</sup> Musalali Johane, cipati 1, 35 kusika ku 41, mbuli kubala Majwi aya mayandisi.

*Elyo alubo bwakatobela Jesu nakaima, a basikwiya bakwe bobilo; . . . (Mundi jatile). . . Johane nakamana kwiimikila, a basikwiya bakwe bobilo;*

*Elyo kalanga ali Jesu mbuli mbwa keenda, wa kati, Amubone Kabelele wa Leza!*

*Elyo basikwiya bobilo, basikwiya bobilo baka mu mvwa kaambaula, nkabela baka tobela Jesu.*

*Mpawo Jesu wakanyona, a kuba bona kabatobela, a ku baambila, Ino ncinzi nco muyandaula? Ba kati kuli nguwe, Rabi, (oko kwaamba kuti, mu kupandululwa, Simalela,) nkuuli nko kkala?*

*Wa kati kuli mbabo, Amuboole mubone. Elyo ba kaboola a kubona awo mpa kali kukkede, a kukkala a nguwe buzuba obo: nkambo kwakali kutandila kumazuba.*

*Umwi wa bobilo waka mvwa Jesu na . . . Johane kakanana, a kumu tobela, wakali Andreyo, munyina wa Simooni Petro.*

*Wa saanguna kujana munyina Simooni, a kwaamba kuli nguwe, Twa kajana Mesiya, uuli, mu kupandululwa, ngu Kristo.*

*Elyo wa kamuleta kuli Jesu. Elyo cindi Jesu naka mubona, wa kati, Nduwe Simooni mwana wa Jona: uyo itwa kuti Kkefasi, ku bupanduluzi lyaamba, Ii bbwe.*

<sup>64</sup> Lino akube kuti Leza ayungizye zileleko Zyakwe ku Ijwi eli. Lino, yanda kokwela, sunumasiku, ikuti na Mwami wayanda, anini, ku ii—ii bbala, mabala obilo Nge yanda kubelesya awo. I mabala obilo Nge yanda kubelesya kubaa “kuyandisisa” a “kulamwa.”

<sup>65</sup> Lino, mbuli mbo tuzi, alimwi toonse tula cita, kuti lino tuli muku bona kutontola kupati, kwa masi oonse. Nda katalika kweenda, kwakali lusakatizyo lunji aa muswaangano. Bantu bakali mu miswaangano ya mipailo, masena oonse. Bakajana butongo, mitende yakandi butongo. Mwanakazi omwe wakeenzya mamaile mu takisikkabbu, kusika buyo ku

muswaangano mu Canada. Taba ciyandisisyi limbi. Kulibonya kuti kwaba kuli kuwa. Alimwi kulibonya mbuli kuti kuli kutayandisisya, kutali kunji loko, nekuba, kutali mbuli mbo beelede kuba. Kuyandisisya kusyoonto.

<sup>66</sup> Lino, kujatikizya kuyandisisya kulikke oko nko tujisi, kutali yalo miswaangano ya masiku onse. Cindi, Nda—Nda kakkala aa cibumbili ciindi cimwi kwa mazuba a masiku ali lusele, kakutakwe kusiya, kusola kukombela bantu boonse. Elyo ku mamanino, kwakali bantu bali zyuulu zili makumi one bakali kulindila kukombelwa. Mwabona? Tii kwaka konzeka kucicita. Pele bakali kunga babweza nkamu nzila *eyi*, a kunjila mu zisaka; bakali kunga babweza nkamu nzila *eyi*, kuya ku zisaka; bakutausi kabakombela bantu kuzwidillia ku lubapatizyo lwa Muuya Uusalala. Tiiba kakonzya buyo kupumuna kusikila niba katambula Muuya Uusalala.

<sup>67</sup> Mundi jatile. Nda ti zyuulu zili makumi one azyobile. Nda syoma, inga mwalanga kutala mu magazini, kwakali zyuulu zili makumi obilo alusele, mbo cakabede, abo baka cilindila. Kwa mamaile kuzunguluka Jonesburg, kwakanyina nobuba busena mbo kalino konzya kubbadelela. Alimwi tente lya madolopo, a zintuzyonse. Taba bikki limbi maanu. Mwabona? I mililo ya lubukulusyo ili mukufwa.

<sup>68</sup> Kubikkila maanu, eno, “Koboola buyo a kusangana mbungano.” Na, kuyandisisya kupati, “Kugwasilizya mulimo wa maredio, na makani a matelevizhioni, a kucibamba mbuli musyobo wa cakweebela,” elyo ku—ku bubotu, mubwini, masimpe. Mayake mapati, kuyaka zikolo zipati, a zimwi zimbi, mbuli ezyo. Ci boneka kuti eco i—i yandisisya lino. Kubaanga nkusweekelwa cilengaano ca mupailo oyo a ku sungilizya, a mbuli mbo bakabede. Kuli cintucimwi cakacitika. Ndi yanda buyo kuziba mbo cakabede. Elyo lino taba boneki kuyandisisya pe.

<sup>69</sup> Inga wa swaya mbungano *eyi*, na kwiita bantu kuboola ku cipaililo, alimwi cakali kicitika kuti bakali kunga bapupanina ku cipaililo. Elyo Nda kabona ciindi Ne kali kukambauka, Nke tana akwalo kujana nkambauko yangu kumana, cipaililo a mu tuzila twa atala ansi twakali kundandamikwa bantu. Nda kabona ciindi Muuya Uusalala nunga wazwa mu nkamu ya bantu, a—a kwaamba kumbele a kwaambila muntuumwi cintucimwi, nkabela bantu bakali kunga bagambwa a kuwizuka moonya mu cuuno cabo.

Kuli cintucimwi cilubide kubusenabumwi.

<sup>70</sup> Ucicita cintu nciconya. Nekubaboobo Makanimabotu ngaonya. Nseno cinca nokuceya kuzwa Mbwe katalika. Nda katalikila a Ijwi, lya Leza mbo libede, alimwi Nda kakkala mpoonya ali Ndilyo, kuzwida ciindi eco. Myaka ili makumi otatwe aibili Nda kali kunze lya cikambaukilo, alimwi nseka

kajosya cili conse na kucinca cili conse; caambe munzila Nje katalika. Nse konzyi ku lijosya. Ndi Ijwi ly Leza. Elyo—elyo ikuti na Nda Ly aamba mbubonya mbuli mbo Ly kaamba *awa*, ciindi citobela Nde elede kwaamba cintu nciconya, nkaambo *Njeeyi* nzila Mbo lilembedwe awa. Mwabona? Aboobo, taakwe cikonzya kucitwa kujatikizya Ndilyo. Elyo Muuya Uusalala ucicita cintu nciconya.

<sup>71</sup> Aboobo, pele kuboneka kuti takukwe kuyandisisya kunji. Lino Ndili...ndalibuzya kaambo, baa takucikwe kuyandisisya mbuli mbo kwakabede? Cili, Ndi syoma kuti kaambo nco kutacikwe kuyandisisya maningi mbuli mbo kwakabede, taba lamidwe mbuli mbo bakabede. Yebo weeleder kulamwa kotana konzya kuyandisisya.

<sup>72</sup> Kutaba akuyandisisya, mula tola ciindi eno, mubusena bwa kutola vangeli a kusola kucita cintu cimwi, bantubonse bayanda cikolo cipati, na cintucimwi cipati maningi ncoba konzya kuiisya, a—a kubamba bakutausi kuba akulilemeka kwaku zikambaukilo azimwi zimbi.

<sup>73</sup> Sena mulizi eco Nce syoma? Ndi syoma kuti bantu taba lamidwe kuti Jesu ulaboola calino. Nse syomi kuti bakalamwa kuti Ula boola mu bukkalo obo. Elyo Nda syoma nke kaambo nco batakwe kuyandisisya, nkaambo taba lamidwe kumaninina. Ncibotu. Taba lamidwe kuti Uli ambabo. Ikuti na bakali obo, niba kajokela ku Ijwi. Mbo mbubo. Elyo lino bantu banji inga taba cimwisyi.

<sup>74</sup> Luyando, luyando ngu—ngu lulayo. Nywebo mweelede kulaya bantu, ikuti na mula bayanda. Ikuti na musimbi muniini wakali kkede mu mugwagwa, mbuli mbo Nda amba cifumo cino, kupanga zibunge zya ntimba; ikuti na ula muyanda ncobeni, inga wamugusya mu mugwagwa oyo.

<sup>75</sup> Ino kuti mukaintu wako nakati...John *Muntuumwi*, kufumbwa zina lyako mbolibede, nywebo mulizi, komulekela buyo kweenda amwaalumi umbi, nkaambo wa kati, “Lelekwe moyo wakwe muniini! Uyanda kucicita. Elyo Nda muyanda buyo maningi, Ndiyo mulekela kucicita.” Inga waba ntamizyo iitakweankoiya koli mulumi. We elede ku kugusya, a kujana muntuumwi oyo umuyanda, uyo mubamba. Nse cikanzila boobo, nkaambo tamu konzyi kucita ceeco.

<sup>76</sup> Pele ncinzi Nce sola kusika? Sa eci, eco, ino kuti Leza na kaamba kuli Eva, “Eva muniini mucete. Yebo ulizi, uli mwana Wangu. Ndi—Ndi—Ndi...To kali kuyanda kucita ceeco”? Mubwini, takali kuyanda kucicita. Nincobeni, ta kacita. Pele waa kacicita. Elyo tu lizi kuti waa kacicita. Tula bona micelo ya ncico. Pele, nywebo mwabona, Wa—Wa kamuyanda, alimwi Wa—Wa kacita kubamba Ijwi Lyakwe kuli nguwe.

<sup>77</sup> Elyo Leza weeleder kubamba Ijwi Lyakwe kuli ndiswe, aboobo twe elede kuswiilila Ijwi Lyakwe. Elyo cindi twa swiilila

Ijwi Lyakwe, a ku Mu bona mpawo kasimpikizya eco Nca kaamba kuti Uyo cita, mpawo twa zulwa, kabotu, kuti Ijwi lili luleme. Lino, cindi twa ziba, tu leta . . .

<sup>78</sup> Okuno kutali ciindi cilamfu cakainda, oyu muvangeli mupati kuli muna Mohammedi, amu kacibale mu pepa, mbuli Mbwe kacita. Oyu muna Mohammedi wakazundikizya muvangeli oyo, kuti, "Jesu Kristo wakali mutu uukombwa; kuti bantu bakali kutobela mutu." Wa kasyoma muli Leza nguwenya oyo muvangeli ngwa kacita, pele wakati, "Jesu tali Mwana Wakwe. Kwalo nkukomba buyo kwa kabambwa aamuntu." Elyo i evans- . . . Wa kazundikizya muvangeli, kati, "I-i Bbaibbele lyakati milimo eyo Nja kacita, Kristo, batobezi Bakwe bayo cita mbubonya." Wa kati, "Lino, Njo leta bantu baciswa bali makumi otatwe, nkabela uyo leta bantu baciswa bali makumi otatwe, nkabela Njo ponya umwi aumwi ngo mucita." Mwabona? Elyo muvangeli wakazuza. Wa kauluka mujulu.

<sup>79</sup> Elyo ikuti Ne kali muvangeli, Nda syoma, ikuti na Nse kajisi lusyomo lukubwene lwa kucicita, Inga nselekela oyo sikutasyoma kwiiama awo. Inga ndaamba, "Ndi lizi muntuumwi mu zilao zyesu ujisi lusyomo lwa kucicita."

<sup>80</sup> Nkaambonzi? We elede kulamwa, lutaanzi, kuti ngu Leza, mpawo ulizi awo mpo imvwi. Bwalo mbwini. Kulamwa, lutaanzi, mpawo ula jana kuyandisisya kwako. Nekubakuti bantu bataminina kuti Leza uli ambabo, pele bali . . . Ta cili coonse . . . Baama bakali kunga baamba, "Micito ilakanana maningi kwiinda majwi." Nincobeni, ila cita. We elede kucicita, ko cisysoma, kolamwa, elyo mpawo uyo yandisisya.

<sup>81</sup> Jesu wakati, "Ikuti na ula Ndi yanda, kosanina mbelele Zyangu." Lino, awo mpe mpawo Mpe yeeya kuti twa kakakilwa kunji, nkusanina mbelele Zyakwe. "Ikuti na ula Ndi yanda, kosanina mbelele Zyangu." Sunu, cila tandila kuti, "Kogela boyaa bwa mbelele zyangu." Koba njizya mu busena akuba nyanga zintuzyonse nzoba jisi, akuba citya kusyomezya kupa maanda abo a m peenshini abo akukomena kwako, azintuzyonse zimbi. Mwaambaula zyakugela boyaa! Jesu ta kaamba eco.

Mukwesu Parker wakati, cifumo cino, "Leza ulayanda bantu Bakwe."

<sup>82</sup> Ula yandisyaa mbelele Zyakwe. Wa kati, "Amu basanine." Elyo mbelele yeelede kuba a Cakulya ca mbelele. Elyo Ta kati, "Amu yiisye mbelele Zyangu." Wa kati, "Amu zisanine," kutali kuba yiisya. "Koba sanizya. Kobapa Cakulya ca mbelele."

<sup>83</sup> Niinzi Cakulya ca mbelele? I Cinkwa ca Buumi. Jesu ngu Cinkwa ca Buumi, Makani mabotu, Bwini. Ko Ci kambauka kakutakwe kulimvwanya. Mpawo ulizi kuti cindi wayandika kwiingula ku Buzuba bwa Lubeta ku buntu bwabo, mbuli mukutausi wa Makanimabotu ngo mukonzya kwiiminina a

kwaamba, “Eco ncen cico cakalembwa mu Ijwi.” “Kobasanina Bwini. Kosanina mbelele Zyangu.”

<sup>84</sup> Cindi Johane nakali kubikkila maanu loko, cakuti wa kalizi kuti Mesiya wakali kuboola mu bukkalo bwakwe. Johane Mubapatizi wakali cizi, aboobo wa kalizi kuti Mesiya uyo boola mu bukkalo obo mbwa kapona mo. Pele cindi nakazwa mu nkanda, ta katalika zikolo. Ta katalika makkolegi. Ta katalika tubunga. Nkaambonzi? Wa kalamwa kuti Mesiya uyo boola mu ciindi cakwe. Cakulya Cakwe, Mulumbe wakwe, mulimo wakwe, wakapa bumboni kuli ncico.

<sup>85</sup> Elyo tula syoma kuti Ula Boola mu bukkalo obu. Nkaambonzi nco tu yanda kusisa cintu cipati? Nkaambonzi nco tu yanda kucita, kuyaka madollar ali mamilioni mu zikolo a mayake, elyo mpawo kwaamba kuti Jesu ulaboola? Baa, buleya bulizi kabotu kwiinda booboo. Ba lizi kuti waambaula zya cintucimwi eco ncota syomi. Kucita eco nco tukambauka. Mbubo. Lino tweede kucita ceeco.

<sup>86</sup> Johane wakali masimpe loko. Cindi na kazyalwa, wa kalizi kuti wakazyalwa ku kuzyalwa kweenzu.

<sup>87</sup> Toonse tu lizi obo Zakaria mbwa kabona Angelo. Elyo eco cakeelede kuba kuminwa kwa banabukwetene bakaindi. Zakariya wakali mwaalumi wamusela, alimwi Elisabeti wakali mwanakazi wamusela, pele bakali syomede kuti—kuti Leza wakali kuyo bapa muvwanda. Waa kali musundi. Elyo tu lizi cindi Johane nakazyalwa, kuzyalwa kweenzu, a kuziba kuti uyooba mulanda wa Leza, kweelede kuti wakali muyumu aa banabukwetene bakaindi. Nkambo ba lizi, kweendelana ku ciindi ca buumi, tiiba kapona kubona mulombe oyo kanjila mu mulimo wakwe.

<sup>88</sup> Elyo bawisi ba Johane bakali mupaizi. Pele mibusena bwakwe, a kwiitwa oko, kuselemukila ku seminari oko bawisi nkoba kazwa, ta kakonzya kuselemukila okuya. Ta kakonzya kubweza ciindi ali njyio. Ta kakonzya ncobeni kunyonganisigwa kuli njyio. Nkaambo, wa kabona eco, mu Lugwalo, wa keelede kuba, “jwi lya umwi woompolola mu nkanda.” Wa kabona kuti wa keelede kuba, “I mutumwa uyo unka kumbele lya Mesiya.” Elyo we elede kuba masimpe a nguwo. Elyo wa kalindila mu nkanda kusikila wa kasalalilwa, elyo mpawo waka yandisisywa. Wa kalamwa. Wa kali kuyanda ku—wa kali kuyanda ku kkala. Wa kali masimpe loko a ncico, kuti inga uyo bona Jesu, kusikila wa kaamba eci, “Ngooyo, Uli imvwi akati kanu lino. Ngooyo Umwi akati kanu, Oyo ngo mutazi.” Oh, Nda ciyanda eco!

<sup>89</sup> Kuli Umwi akati kesu, sunumasiku, pele Ndili kkomene kuti tuli Mu zyi. Elyo Nda syoma Ngo Nguwe uli muku peda bulunguluzi. I Muuya Uusalala mupati upa bulunguluzi kuti Jesu ulaboola calino, nkambo cileendelana ku Ijwi, alimwi

zitondezyo zyoonse zili mukuzulizigwa. Tuli ku ciindi ca mamanimo.

<sup>90</sup> Ta kali kuciyanda ciimo Cakwe, ku lubizya kuli konse, aboobo wa kakkala mu nkanda kusikila wa kalamwa kuti uyo ziba obo Mesiya mbwa kabede. Elyo Leza waka mwaambila musyobo wa citondezyo cakulangila, cindi na kabona Mesiya. Aboobo cindi naka Mu bona, a kabona citondezyo eco cakeelede ku Mu tobela, wa kalamwa kuti wakali Nguwe. Wa kat, “Nda pa bulunguluzi kuti Nguwe.” Nkambo, Leza, Oyo waka mwaambila, a kumusinsima kwiinda ku musinsimi, myaka ili myaanda ili ciloba a kkumi aibili kataninga kuzyalwa, “Wa kali jwi lya umwi woopolola mu nkanda, ‘Amubambe nzila ya Mwami, a ku lulamika kazila Kakwe.’” Elyo Leza waka mukanzilakale, a kumukanza ku mulimo, wa kalindila kuli Leza oyo kusikila kamvwa kuzwa kuli Leza oyo. Ameni. Cindi oyo Leza naka mwaambila eco cakali kuyo citika, wa kalamwa. Cindi na kabona citondezyo eco, kat, “Ngooyo Mbwa bede.” Ameni.

<sup>91</sup> Ikuti na twa konzya buyo kusiniza oko! Ikuti na twa lindila aa cipaililo, kuta jana musyobo umwi wa kulimvwa kuniini a kusotauka mujulu a kuzwa, pele kukkan awo. Takukwe makani eco cicitika, kokkala awo kusikila walamwa cakumaninina ku nguzu zya bubuke Bwakwe, kuti Muuya Uusalala waka kujata a ku kujatilila, alimwi uli cilenge cipy a muli Kristo. Kokkala awo mane wafwa a kubuka alimwi, mpawo tokainki ku meenda kuba sikuupaupa. Uyo unka okuya, nkabela ulizi kuti Wa—Wa kafwida ndinywe, nkabela mwakafwa a Nguwe. Lino uya kunselelo, kuyo busigwa a Nguwe alubo; kutondezya inyika eco nco syoma kuti Wa kafwa a kubuka alubo, nkabela uli fwide a Nguwe, alimwi waka buka kale alubo. Elyo lino muyo kkala mu masena Aakujulu, kulya Cakulya ca mbelele. Ncibotu.

<sup>92</sup> Andreya, umwi oyu mupati ngo twa kali kukanana, mukwesu wa Simooni, wa kakkala busiku boonse, kusikila wa kalamwa. Mbuli mbwa kali kweenda kumbali lya nkowmwe, Johane, oyu musinsimi mupati waka zumanana kwaamba, “Ngooyo Umwi! I ciindi cili afwaafwi. Nyoonse nywebo no nzyalani ya nzoka mu bwizu, muta yeeyi kwaamba, ‘Ndi zulilwa kuli eyi, alimwi Ndi zulilwa kuli eyo. Tu jisi Abrahamu taata wesu.’ Njo mwaambila, Leza ulakonzya kubusya mabwe aya kuba bana kuli Abrahamu.” Oh, wakali lede buyo kwiinda, keembe ku tuyanda wa cisamu.

<sup>93</sup> Mwabona, Johane wakali muntu wamu nkanda. Amulange eco nca kaambaula: tweembe, masamu, nzoka. Mwabona? Obo mbwa kabede, okuya mu nkanda. Elyo wa kat, “I keembe kali bikidwe ku tuyanda wa cisamu, elyo musamu aumwi utaziyali micelo mibotu uyo sowelwa ansi a kuumpwa.” Kuuma keembe ku cisamu; kutenda kuzwa ku mitwe ya nzoka, a zintu zyoonse. Wa kali muntu wamu nkanda.

<sup>94</sup> Ta cigambyi Jesu wakati, “Ncinzi ncomwa kaunkila kuyo bona?” Ezyo *Nzyoolwe Zyakalubwa*, mbuli Mbwe kakambauka ali nkuko. Cindi Na kaunka atala lya cilundu, basikwiiya ba Johane bakati. “Ino mwakainkila kuyo bona nzi, mwaalumi usamide zisani zibotu?” Wa kati, “Oyo ngo musyobo ngo bayoita kuti, ‘Mwiyyi, taata uusalala.’ Elyo bala sama zisani ziteteete. Bala myonta bavwanda, aku kwayta i—i bakubusyi, akuzikka bakacembaala. Ula jata peeni a cifulo.” Ncinzi muntu ncanga wayanda kuziba ku makani aa Cceba lijatwa amaanza obilo kusukila nkondo? “Ino mwakainkila kuyo bona umwi?”

<sup>95</sup> Bamwi bakati, “Mpawo sa mwakainkila kuyo bona tete kali pekema ku muuwo uuli oonse, na kufumbwa nkamu niini inga yaboola ambali, kumu cinca kuzwa kuli *eci* kusika kuli *eco*, alimwi *eci* kuli *eco*?” Kutali Johane. Wa kasalalilwa. Wa—wa kalizi awo mpa kakkala. Wa kalizi busena bwakwe. Takali kuzungaana Johane koonse. Peepe, peepe.

<sup>96</sup> Kati, “Ino mwakainkila kuyo bona nzi mpawo, musinsimi?” Wa kati, “Elyo Nda mwaambila, mupati kwiinda musinsimi. Ula indilila kuba musinsimi.”

<sup>97</sup> Aboobo Johane wakalamwa, elyo wa katalika kukambauka. Elyo Andreya wakali kujanika ku miswaangano. Elyo aboobo cindi Jesu nakainda ambali, alimwi Andreya a sikwiiya umbi bakali okuya, a Johane waka tondeka abusena, a kuti, “Amubone Mwanaambelele wa Leza oyo uugwisya cibi ca nyika.” Elyo baka Mu tobela.

<sup>98</sup> Nda ciyanda eco. Nda lombozya ni Nda konzya kuba a nguzu ezyo zinji mu kukambauka kwangu. Cindi Nda amba, “Amubone Kabelele wa Leza uugwisya cibi ca nyika,” alimwi muntu aumwi uyo Mu gusya. Ma! Andi . . .

“Nkokuli Nkweta Mu jane, Mukwesu Branham?” Nda konzya ku kutondezya.

<sup>99</sup> Kutali ciindi cilamfu cakainda, Nda kali mu muswaangano wa Bantu Basimakwebo. Elyo Nda kali kukambauka ku West Coast. Elyo kwakali mulombwana umwi wakeenda kumbele lyangu, elyo wa kati, “Yawe, sa toli mukambausi?”

Nda kati, “Iiyi, munene.”

Wa kati, “Ino ucita nzi ababa basimakwebo?”

Nda kati, “Ndime simakwebo.”

Elyo wa kati, “Ino musyobo nzi wa makwebo mobede?”

Nda kati, “Makwebo a kaanzambwene.”

Wa kati, “Ino musyobo nzi wa inshualensi?”

Nda kati, “Kaanzambwene.”

Kati, “Ino musyobo nzi?”

<sup>100</sup> Nda kati, “Kaanzambwene kalelekedwe, Jesu ngu wangu.” Nda kati, “Ikuti na ulayanda kaambo mu mulao, Ndi yanda ku caambaula kuli nduwe.”

<sup>101</sup> Ii mweenzuma wangu, Ba. Snyder, mulombe tuyandisi, wa kaboola ku ng’anda yangu. Elyo Nda kamuziba cindi Ne kali mulombwana muniini, elyo twa kaunka ku eikolo antoomwe. Wa kati, “Billy, Ndi yanda kukusambalila inshualensi imwi.”

<sup>102</sup> Ee, Nda kajisi mucito muniini waka letwa ali ndime ciindi cimwi, ku inshualansi alimwi Nse na kucita limbi. Aboobo wa kati... Nda kati, “Wilmer, Inga—Inga masimpe nda... mbuli nduwe, pele,” Nda kati, “Ndi—Ndi jisi kale kaanzambwene.”

Wa kati, “Oh, sa uli jisi?”

<sup>103</sup> Mukaintu wangu waka ndilanga mbuli kuti Nda kali sikuupaupa. Waa kalizi kuti Nse kajisi inshualensi imwi, pele Nda kati, “kaanzambwene.” Mwabona?

<sup>104</sup> Wa kati, “Oh, Nda usa, Billy.” Wa kati, “Ni kkampani nzi ili anjiyo?”

Nda kati, “I Buumi Butamani.”

Kati, “Nse syomi kuti Nda kasola kumvwa ku kkampani eyo.”

Nda kati, “We elede.” Oh, Nda lamwa kuti cili luleme. Cili luleme.

<sup>105</sup> Aboobo, Johane wakakambauka a kuti, “Ngooyo Mbwa bede, Kabelele wa Leza uugusya cibi ca inyika.”

<sup>106</sup> Cindi Nda Mu bona keenda koonse ku nkamu ya bantu, kukwela sizibi, na muntu uciswa, a kukanana kuli mbabo, a kuziba kuti Oyo ngu Leza nguwenya. Elyo kufumbwa muntu, inga waziba cintu cili coonse, inga waziba kuti Nse kali nokonzya kucita ceeco. Ndi yanda kwaamba kuti, “Amubone Kabelele wa Leza oyo uugusya cibi ca inyika.”

<sup>107</sup> Nda bayanda bantu, kwaamba, “Nda cisyoma. Nda empwa ku zibi zyangu eno. Nda musyoma Jesu Kristo.” Oh, Ndi yanda ku babona kabacita ceeco.

<sup>108</sup> Elyo aba basikwiya bakanyamuka ncobeni kutobela Jesu. Elyo Wa kalanga koonse. Wa kabajana. Elyo Wa kati, “Ino tuyandaaula nzi?”

<sup>109</sup> Ba kati, “Rabi,” kupandululwa kuti, “Simalela, ino Yebo ukkala kuli?”

<sup>110</sup> Wa kati, “Amu boole mubone.” Lino oko nku tambwa kubotu. “Boolabone.” Nda ciyanda eco.

<sup>111</sup> Nce ncico Filipo nca kaambila Nataniyeli, cindi Nataniyeli nakati, “Sa inga kwaba cintu cibotu cili coonse cizwa mu Nazareta?” Wa kati, “Boolabone.”

<sup>112</sup> Aboobo mpawo, boola, umvwisye. Uta kkali ku muunzi a kukazya. Boola, uzo ziba. Wabona? “Bool, uzoli bonene omwini.”

<sup>113</sup> Lino, ba kati cakali ciindi caku mangolezya, aboobo Andreya waka kkala busiku boonse. Oh! Eyo nje nzila mbotu. Wa kakkala kusikila wa kalamwa. Eco Muntu nca kamwaambila busiku obo, eco Nca kaamba kuli nguwe, na eco Nca kacita, kwakali cintucimwi cakalamya Andreya cakumaninina kuti Wa kali Mesiya.

<sup>114</sup> I buzuba bucilila kufuma maningi, Nda yeeyela, wa kakwemba bbaki lyakwe a ngowani, a kuselemuka, nkaambo Petro wakali kuyozela nswi kunselelo lya mulonga. Elyo wa kati, “Amuboole, mubone Oyo ngo twa kajana. Ngu Mesiya.” Wa kalamwa. Cindi na kalamwa cakulondoka kuti wakali Mesiya, wa kali kubikkila maanu kujatikizya munyina wakwe.

<sup>115</sup> Eelyo nde penzi, sunumasiku. Bantu taba lamwa a Mulumbe. Bantu tabana lamidwe kujatikizya Muuya Uusalala. Ikuti na mwalamwa ncobeni, nkokuti mula langanya. Uyo cita zintu zyoonse nzo konzya, kucita kufumbwa eco ncoelede kucita. Kwaamba, “Ee, Mukwesu Branham, Nseli mukambausi.” Ee, inga wacita cintucimwi, ayebo.

<sup>116</sup> Amuyeeye ciindi cimwi Nda kajisi muswaangano. Kwakali mulimi waka futulwa a kuzuzigwa Muuya Uusalala. Elyo ta kajisi buyo cintu cita luzibo lwakwe, a traki. Pele wa kasusa banji loko ku muswaangano, wa kazulwa loko Muuya Uusalala, kumbele lya . . . ? . . . Nkaambonzi? Wa kalamwa. Elyo cindi nakalamwa, wa kali kubikkila maanu. Mwana muniini musimbi waka ponesegwa. Twa kajisi bantu baciswa busiku abumwi, traki lizwide mbabo, kubaleta kuzuwa kumasena oonse. Bali makumi otatwe bakatambula Muuya Uusalala. Mwabona? Wa kalamwa kuti Wa kali luleme, aboobo wakali kubikkila maanu kujatikizya muntuumwi umbi. Elyo tuli . . . Ikuti na twa lamwa kuti Jesu ulaboola kufwambaana, tuyo langanya bantu besu basweekede. Tuno cita koonse nko tukonzya kumwaya Makanimabotu.

<sup>117</sup> Jakobo waka kkala busiku boonse, busiku bumwi, kasinana. Oyo sibwami usinana, wa kasinana busiku boonse. Wa kali kuyoowa Esau *awa a kokuya*. Wa kayoowa calufu, kuli nguwe. Elyo wa kamvwa Esau kuti wakali kuboola. Wa kabikka mukaintu wakwe aa kalonga. Waka zumanana kuya ku lubazu lumbi a kufugama. Nywebo mulizi, Leza wakaseluka a kujata Jakobo, nkabela ba kasinana busiku boonse. Aboobo ta-ta kalamwa cakumaninina, ku kutalika. Pele ciindi Leza naka manizya a nguwe, wa kalamwa. Iiyi. Wa kakkala a kujatilila kusikila wa kalamwa kuti wakali Leza.

<sup>118</sup> Mukwesu, kwiina naka yoowa Esau eelyo. Kazabuka mulonga, alimwi wakali kompeme a kusunkuta. I ciindi cibyaabi

loko eco nca kali kukonzya kubamo, mbo cakaboneka. Wa—wa kali—wa kali mukompami maningi mbwa kabede lyoonse. Wa kali mulema a zintu zyoonse. Pele Esau wakati kuli nguwe, “Sa inga wandilekela kutuma impi ambali kuti ndigwasye?”

<sup>119</sup> Kati, “Nse yandikani lugwasyo akwalo.” Nkaambonzi? Wa kalamwa kuti Leza, oyo ngwa kajisi, wakali kukonzya ku mubamba. Aleluya! Ikuti na bantu bacita buyo eco.

<sup>120</sup> Ikuti na inga mwalamwa kuti Leza oyo uku jata, akuzungaanya moyo wako, ku kubamba cilenge cipyा muli Kristo Jesu. Lekela malwazi, lufu, na kufumbwa cintu cimbi cakasika ambali, uli lamidwe kuti inga Wa kumamela kabotu. Masimpe. Ameni. Nda ciyanda eco.

<sup>121</sup> Shamuga, muntu muniini ngo twa kali kwaambaula busiku bumwi, wakali kubikkila maanu kujatikizya mukwasyi wakwe. Iiyi, wa kalizi kuti bakali anzala. Elyo ba Filisiti baka boola, cuulu ca mbabo, Nda syoma, myaanda iili cisambomwe a cintu cimwi. Nda syoma, myaanda ili cisambomwe ya mbabo yaka boola kutala lya mugwagwa, bantu bajisi zilwanyo. Wa kali kubikkila maanu ku mukwasyi wakwe, nkaambo bakali kuyanda kufwa nzala calufu mapeyo ayo. Pele wa kakkala awo, kayeeya a kulangalanga. Ino wa kali kukonzya kucita nzi? Wa kakkala awo kusikila wa kalamwa kuti Leza ula bamba cisyomezyo Cakwe.

<sup>122</sup> Lino, amulange eco ncakali kukonzya kuyeeya. “Lino, awa, taata wangu Abrahamu, kuli Ngu Nkwe caando mu mibili wangu ca kupululwa, nkaambo kakuti Ndi syoma kuti Abrahamu wakali muntu wa Leza. Wa kalamwa. Wa kasiya muunzi wakwe. Wa kasiya zintuzyonse nzya kajisi, kubelekela Leza. Elyo aa cilundu buzuba obo, cindi na katuula mugutu wa mbelele mubusena bwa Izaka, Leza wakaambila Abrahamu, ‘Nkaambo wa kacita eci, lunyungu lwako luyo vuba mulyango wa sinkondo.’” Mbo mbubo. “Lunyungu lwako, Abrahamu, Nda kusyomezya. Nda konkezya kuli ncico.” Aleluya! Oh, ma! Lino Nda limvwa cabukombi. “Nda konkezya kuli ncico. Abrahamu, lunyungu lwako luyo vuba mulyango wa sinkondo nyina.”

Lino Shamuga inga waamba, “Ndili lunyungu lwa Abrahamu.” Ameni.

<sup>123</sup> Elyo ikuti na Shamuga waka konzya kuyeeya boobo, mukuba lunyungu lwa kunyama ilwa Abrahamu, ino kujatikizya sunumasiku, alimwi tuli Lunyungu lwabwami ilwa Abrahamu? Oh! Fyuu! Muyeeya kuti Ndili nyongene. Ndiza Mbwe bede. Kondileka endikke. Ndi limvwa kabotu nzila eyi kwiinda Mbwe kacita cindi Ne kajisi mizeezo imbi. Inzya. Lunyungu lwabwami ilwa Abrahamu! I Mbungano Ndunyungu, lwabwami lwaka syomezegwa. Elyo ikuti na lunyungu lwa kunyama inga lwa bweza camba eco cinji, ino Lunyungu lwa Bwami lweelede

kucita nzi, a i—a Busyu bwa Muuya Uusalala kabunanike buyo koonse, kulitondezya Mwini? Fyuu! Bulemu! Masimpe.

<sup>124</sup> Shamuga wakati, “Ndili lunyungu lwa Abrahamu.” Mbuli mbwa katalika ku ciyeeya, “Leza wakaambila Abrahamu, Nda cisyma, kuti lunyungu lwakwe luyo vuba milyango ya sinkondo nyina. Elyo mbaabo we, kaba maccing’ a kwiinda mu mulyango wangu.” Katambikizya buyo atala, mukkwilo wa basune. Lino, ta kaima.

<sup>125</sup> Ta kalindila kwiiya nzila ya kulwana kwa zilwanyo, na kuti, “Lino lindila aniini. Ndili Lunyungu Lwabwami. Ndili lunyungu lwa Abrahamu. Nda kapalulwa. Aboobo, nywebo mulizi, boonse aba ba Filisiti mbasilumamba babotu. Ba kali kwiiya kwa ciindi cilamfu. Njo selemukila ku seminari kuyo bweza Ph.D. a L.L.D., elyo Njo iya nzila ya kulwanya zibelesyo. Ndiyo iya katikizimu, milao yoonse ya mbungano.”

<sup>126</sup> Ikuti na kacita ceeco, nkukonse nkwalino ziba cimwi kujatikizya....?... Na kaziba buyo eco, nkabela na taka konzya ku munabba. Mpawo nataka konzya kuzundana a sinkondo.

<sup>127</sup> To konzyi kuzundana a sinkondo. Nse konzyi kweelana kuzundana anguwe. Pele Nda yeeya Ndi ponena kunsi lya cisymezyo, aleluya, ezyo ne nguzu zyakwe kale ziindilila kuzunda, a kuzundwa, a kusowela aansi. “Ndili muzundi wiinda, ndyoonya lino.” Kutali lwangu, pele Ndili muli Nguwe Oyo waka muzunda nkambo ka ndime, mwabona, alimwi oyo uupona. Ndili cibeele ca Lunyungu Lwabwami ilwa Abrahamu. Amu ciyeeye aniini, mpawo amu bweze mukkwilo wanu. Kotanda dyabolosi oyo wa kuzumbauzya kuzwa kuli nduwe. Iiyi.

<sup>128</sup> Kati, “Ndili... Nse konzyi kwiiya kulwana kubelesya zilwanyo.” Ikuti na wacita, nku koonse nkwalino kucita, nkulwaizya buyo. Nkukonse nkwalino kukonzya kwaambaula.

<sup>129</sup> Sunu, eyo nje nzila mbo tusola kucicita sunu. Bantu bakati, “Ndi jisi kwiitwa mu buumi bwangu kuba mukutausi.”

<sup>130</sup> “Ee, lino, mulombe, Ndiyo ita bishopo, nkabela Ndiyo bona ikuti na Nse konzyi kukulekela kuya ku cikolo, alimwi inga waiya lwiyo lwa kulilemeka kwa mizeezo, a kwiiya zintu ezi zyoonse. Elyo kutandila myaka iili kkumi mu seminari inga yakubamba.” Eyo iyocita, kwini nconzyo. Iyo mubamba kutegwa ata kakonzyi kubuka limbi.

<sup>131</sup> Ino ndwandaano kwiinda mbo cibede, kutuma mukutausi sunu, kwiinda mbo kwakabede ku Mbungano ntaanzu. Tee baka lindila kwa myaka iili kkumi. Ba kalindila mazuba aali kkumi. Ikuti na kwayola myaka ili kkumi kulamwa... Ba kalamwa mu mazuba ali kkumi. Amen. Inga walawma kujatikizya lwiyo lwa kulilemeka kwa mizeezo, pele weeledge kujana lwiyo lwa kufugama ku mazwi. Mazuba buyo ali kkumi, ba kalamwa, elyo mpawo bakali kubikkila maanu kujatikizya bamwi. Bamwi babo tiiba kakonzya akwalo kusaina mazina abo eni. I Bbaibbele

lyakati bakali bantu buyo a batayiide, pele baka lamwa. Aleluya!

<sup>132</sup> Nse kwe ndaba kujatikizya lwiiyo. Nda lamwa kuti Jesu Kristo Mwana wa Leza. Nda lamwa kuti Oyu Muuya Uusalala. Nda lamwa kuti Ngu Sikuponya. Nda lamwa kuti Ngo Mufutuli. Nda lamwa kuti Ula boola. Nda lamwa kuti *Oyu* ngo Nguwe. Nda lamwa. Nda cisyoma.

<sup>133</sup> Ba kati bakalamwa. Cintucimwi cakacitika. Ba kalamwa, mpawo bakali kubikkila maanu niba kalamwa. Ba kali kubikkila maanu kujatikizya kutola Ijwi Lyakwe kuya kuli bamwi babo. Eco cakali citondezyo cibotu cakuti bakalamwa: bakali kubikkila maanu.

<sup>134</sup> Tii bakali kubikkila maanu kujatikizya lwiiyo, kubikkila maanu kujatikizya kuti naa bakali kukonzya kwaamba “ameni” kabotu buyo. Tiiba kali kubikkila maanu kujatikizya kabunga nko bakali kuzulilwa, na bakali jisi kkaadi lya luswaanano, na pe. Ba kalamwa kuti koonse nkokali kuyanda wakali Nguwe.

<sup>135</sup> Elyo Ndili nzila njionya sunumasiku. Nda lamwa kuti koonse nko tubulide ngu Kristo. Ta tuyandiki meya mupya. Ta tuyandiki baleli bapya. Ta tuyandiki impi impya. Ta tuyandikani bbomba lipya. Tu yandika Jesu.

<sup>136</sup> Nkukoonse oko nko–nko bakalamwa kujatikizya. Elyo abalo bakasyoma kuti Uyo...Ba kalamwa kuti Uyo—Uyo swaana zintu zyoonse ezyo nzoba bulide.

Sena walamwa, sunumasiku?

<sup>137</sup> Kwaamba, “Nda lamwa. Takukwe makani eco ciboola kumbele lyangu, Uyo cizunda. Takukwe makani eco ciboola kumbele lyangu, Nda lamwa kuti Uyo ndimamela. Wa kati Uyo cicitia.”

<sup>138</sup> “Njo oba a ndinywe, akwalo muli ndinywe, kusika ku mamanino aa bukkalo. Muta libiliki bwa juunza, buya kuli bambila bulikke.” Mbo mbubo, amu yeeye buyo sunu. “Ikuti na Leza wakasamika muunda loko, a bwizu bwa muunda, buliko sunu, juunza tabuko; alimwi ikuti Wa kayeeya loko kuteti nokaba kayuni ka sparо inga tii kalokela mu kagwagwa Walo katazi makani ankako,” nkunji buti Nkwa ziba kujatikizya kubula kwesu?

<sup>139</sup> Nda lamwa. Ako nke kaambo nco mutandi boni kulombelela milumbo, a *ceeci*, *ceeco*. Nda lamwa. Ikuti na Nda kkala a Ijwi eli, Leza uyo kkala a ndime. Nda lamwa. Ta ndeelede kupegwa. Ciyo boola nzila imwi. Mebo, Nda—Nda lamwa buyo—buyo. Nda cisyoma. Nda syoma Ijwi lyoonse Ndyia kaamba. Nda lamwa kuli Ndilyo. Nda lamwa kuti Uyo opa koonse kubula oko Nkwe bulide. Ta ndeelede kulilibilika kujatikizya nkuko.

<sup>140</sup> Elyo wa kalamwa akwalo kuti tii bakali kuyanda nkamu ya lwiiyo lwa kulilemeka kwa mizeezo, a zintu ezi zyoonse

zimbi, ku kubweza. Ba kalamwa kuti abo bakali...ba—ba kakambaukilwa, nku koonse nkoba kali kuyandikana, kuyooba eco ncoba kajisi.

<sup>141</sup> Eelyo nde penzi lya ncico sunu. Ba sola kusyonka zintu zimbi muli mbabo, buzumini bwabukombi, a zintu mbuli ezyo. Tona kulamwa cabutontozi kuti Muuya Uusalala uli luzi. Nku koonse Nkwe yandisya. Nku koonse nkolu yandisya. Nku koonse uli onse nkwa yandisya.

<sup>142</sup> Wakali mu Africa kutali ciindi cilamfu cakainda. Ba kali kusola kuiiisa bantu abo kumusanza okuya, a mikowa. Elyo cindi wabanjizya mu mukuwa, ula bweza zibi zya mukuwa. Kanjizya cibi cakwe mwini omuya mu mukowa. Kamu leta mukati, wa bweza cibi ca mukuwa, mpawo mwana wa gehene kobile kwiinda mbwa kabede, ku kutalika. Cintu comwe biyo nca yandikana. Walo uyandikana Kristo. Ameni.

<sup>143</sup> Hudson Taylor, ciindi cimwi. Tamuna mvwa zya Hudson Taylor, missionari mupati, China? Kwakali mulombe muna India mukubusyi. Wa kafutulwa, kati wa kajisi kwiitwa ku mulimo. Wa kaboola a kwaamba kuli Ba. Taylor, kati, “Ba. Taylor, sa Nde elede kubweza myaka yone ya Iwiiyo lwa kulilemeka kwa mizeeo,” a zintu zyandeene ezyo nzya elede kucita, “elyo nciindi cilamfu buti mbociyo nditolela, kujana Digrii lyangu taanzi lya Aarti?”

<sup>144</sup> Ba. Taylor ba kaamba kuli nguwe, kaamba, “Mulombe, uta yasyi i—i nkandela kuba cisela kotana talika.” Peepe.

<sup>145</sup> Nce ncico Nce yeeya, ambebo. Uta lindili mane nkendula yayakila acisel, amusyobo umwi wa kwiiya wa kakonkomona muli nduwe, musyobo umwi wa meenda akucitya imbaumu. Muta citi eco. Pele Nda amba, kufumbwa buyo kuti nkandela, kutalika. Nse soli kwiiminina kubula luzibo, pele nceeci Nce pandulula. Ikuti na tozyi cintu cimwi, kobaambila nkendula mboya kayaka. Nku koonse nko beeleder kuziba. Ko baambila caka yasya nkendulo. Ko baambila eco ciyaka mukati omuya. Ko baambila buyo mboya kayasigwa. Aba yasigwe abalo, baya—bayo bamba zimwi zyaco. Masimpe.

<sup>146</sup> To elede kwaamba, kwinda mu misyobo yoonse ya majwi mapati ayo ngo tazi kuzwa kumatalikilo, alimwi ta caambi cintu wamana kwaaziba. Wabona? Kobaambila buyo, “Bulemu kuli Leza! I Muuya Uusalala waka nduumma, alimwi Ndili muntu wandeene.” Ko baambila obo nkendulo mboya kayaka. Uta lindili kuti imane kuyaka; mpawo mbusi ku ciindi eco. Bunji bwabo asunu. Ko baambila buyo mboya kayaka.

<sup>147</sup> I muntu moofu oyo Jesu ngwa kapa kukubona kwakwe kutala kuya, bakali kukwankwana kuli boobo. Mula yeeya cindi na kainda ambali, basikwiiya bakati, “Nguni wakabisya, walo na banyina, bawisi bakwe?”

<sup>148</sup> Jesu wakati, “Takukwe. Pele kuti eyo milimo ya Leza iyubululwe.” Elyo Wa kamupa kukubona kwakwe.

<sup>149</sup> Mpaawa kwaboola boonde balembi a ba Farisi kutala. Elyo bawisi a banyina baka yoowa kufwa, nkaambo ba kaambide kale, “Ikuti na umwi waswiilila kuli oyo Jesu waku Nazareta, oyo Musinsimi, uyo kupa buyo lugwalo kuzwa ku mbungano. Wa tandwa.”

<sup>150</sup> Tabana cicinca aniini. Mwabona, nciconya! “Kufumbwa muntu uuswiilila kuli Nguwe, na kuunka ku muswaangano Wakwe, uli zwide nconzyo mu mbungano, nkoonya kuzwa kumatalikilo.” Bala gusya zina lyako kuzwa mu bbuku.

<sup>151</sup> Aboobo bakaunka a kuyo jana bawisi a banyina, kati, “Sa oyu mwana wanu?”

<sup>152</sup> Kati, “Iiyi, mbo cibede.” Kati, “Tu lizi kuti oyu mwana wesu, a kuziba kuti wa kazyalwa kali moofu.”

“Ee,” kati, “mbobuti mbwa kajana kukubona kwakwe?”

Kati, “Amu mubuzye. Walo mupati.”

Kati, “Kopa bulemu kuli Leza. Oyu Muntu ngu sizibi.”

<sup>153</sup> Baa, ta kakonzya kukazya lwiiyo lwabukombi ambabo. Nee ncobeni. Pele kuli cintu comwe nca kazi. Wa kalamwa kuti wa kali kukonzya kubona. Kati, “Naa Ngu sizibi na pe, Ta ndizi. Ta ndizi cikolo Nkwa kazwida, na taakwe kujatikizya ncico. Pele aka nkaambo kamwi kabotu kakukazizya Nke jisi: omo Mwe kali boofu ciindi cimwi, Nda lamwa kuti Nda konzya kubona; nkaambo Wa kandaambilia kuti Nda kali kukonzya, nkabela Nda kaswiilila kuli Nguwe.” Aleluya!

<sup>154</sup> Cintu nciconya kuli ndime. Nda kali moofu ciindi cimwi, pele lino Nda bona. Nse kakonzya lomwe kubona Eci. Nda kali sizibi. Wa kajula meso angu. Awo Mpe kali moofu ciindi cimwi, Nda bona lino.

<sup>155</sup> Wa kajisi kaambo kabotu kakukazizya, masimpe wakacita, loko mane tiiba kakonzya kumuuumuzya mu kukazya. Nkaambonzi? Wa kalamwa kuti wakali kukonzya kubona. Elyo wa kalamwa. “Kuti,” wa kati, “ncintu ceenzu lino. Mula lesya, nywebo nobalombwana awa, muli basololi bakombi bamu cisi. Elyo mwaamba kuti tamuzyi oko Muntu oyu nkwa kazwida, elyo mpaawa Wa cita maleele ali ndime, ayo atana citwa mu inyika. Eco ncintu ceenzu.”

<sup>156</sup> Mukwesu, Nda syoma ngu silwiyo mubotu wa zyabukombi, kuli eco. Nkaambonzi? Wa kalamwa. Wa kajisi cintucimwi caka mulamya. Wa kali moofu; wa kali kukonzya kubona.

<sup>157</sup> Davida, cindi naka boola ku mpi ya Saulo, Goliati ku lubazu lumbi, Davida wakali muntu muniini kwinda mu nkamu. Goliati wakali mupati kwinda. Saulo wakali kukonzya kuzunda maningi. Saulo wakali kutandila tukokola tuli ciloba, Nda

yeeyela, na kabotu, ndiza lusele, "Mutwe a makuko kwiinda muntu aumwi mu mpi yakwe." Elyo Davida wakali muntu muniini maningi kuya, alimwi wa kali muntu buyo utayiide kuya. Pele, mukwesu, wa kalamwa. Bulemu! Mwabona? "Ndi yanda kulibonya Nke jisi."

<sup>158</sup> Amubone. Ta kayisigwa. Ta kajisi masumo. Ta kazi cintu kujatikizya ncico. Elyo wa kali mulombwana buyo muniini usubila wanseba mbotu. Pele wa kalamwa, alimwi wakali kubikkila maanu kujatikizya impi eyo yakaliita kuti "impi ya Leza muumi." Elyo wa kalamwa kuti Leza, Oyo waka mugwasya a nkwilipo eyo, ku kujaya mulavu a masekese, kali kukonzya ncobeni kugwisyia mu Filisiti oyo uutapalwidwe. Wa kalamwa, mpawo ulabikkila maanu ku mpi. Tacikwe makani kunji nkwa jisi... Ikuti na walamwa mpawo ulabikkila maanu, pele weeledे kulamwa, lutaanzi. Aboobo, wa kalamwa.

<sup>159</sup> Nda yeeya busiku bumwi, busiku bwini bupya, buyoosya abweenzu koonse kuzunguluka, kuya ku lumamba. Oh, bagambya bakali ku mulwana. Elyo wa kakomba. Wa kali lede alya kundi lya cisamu ca mulubbeni. I mpi yakali libambilide kale, ku busena kuya kuyo muswaana. Wa kalala kundi lya cisamu eci ca mulubbeni. Elyo nikwakainda kaindi wa kamvwa cintucimwi kaciboola, a kuzumanana kwiinda mu ziteo zya mulubbeni, a kuzumanana kuzwa mu nzila imbi. Wa kalamwa, mukwesu. Takukwe makani obo bagambya mbo bakabede, wa kalamwa kuti Leza wakazumanana kunjila, kumbele lyakwe.

<sup>160</sup> Baalumi, ikuti na mwakonzya kwiima awa, sunumasiku, takukwe makani eco cilubide kuli ndinywe; ikuti na wakonzya kulimvwa eelyo guwo lyuungisya lya Muuya Uusalala kali boola kwiinda muli nduwe, a kwaamba, "Ndime Mwami uuponya malwazi anu oonse. Nda muponya eno." Ikuti na inga walamwa, mukwesu, tokwe ndaba obo kukwabana mbo kubede okuya, yebo ulizi kale kuti ciyo citika. Cilimasimpe.

Wa kalamwa elyo mpawo wa kali kubikkila maanu.

<sup>161</sup> Samusoni kaimvwi kumbele lya ba Filisiti, a cifuwa buyo ca mweeo mu janza lyakwe, ta kajisi—ta kajisi zilwanyo akwalo. Pele wa kalamwa kuti Leza waka mibusya, wakali kukonzya, ku cifuwa ca mweeo eco ca mbongolo, kuya kujaya ba Filisiti aba. Elyo wa kajaya bali cuulu.

<sup>162</sup> I musinsimi sikuloboka, Musa, cindi Musa nakalamwa kuti wakali Leza mu citeo eco. Nywebo mulizi, Musa taka jisi luzibo a Leza. Wa kajisi lwiiyo lwabukombi lunji. Pele wakali lobekede. Pele cindi... Wa kalamwa kuti Oyo wakali Leza mu citeo. Nkaambo, Jwi lya kaamba kuzwa ku citeo, kali balulula Lugwalo kuli nguwe, nkabela wa kalamwa kuti Oyo wakali Leza. Elyo Leza wakati, "Njo oba a ndinywe." Nywebo mulizi, waka sweekeledwe kuyandisisya koonse kujatikizya mukuli mu Egepita. Wa kali kubusena kuya kwa myaka iili makumi one,

alimwi balo buzike. Pele cindi na kalamwa kuti lwakali luyando lwa Leza ku bavuna, wa kabikkila maanu nkoonya ku buzuba bucilila.

<sup>163</sup> Ngooyu waselemukila aa mugwagwa. Sa inga mwayeeyela kuti nku kubona nzi? A Zippora kakkede aa kambongolo, Gershomu muniini aa kasolo kako. Cilezu cila lenglelela aansi mbuli *boobu*, myaka iili makumi aali lusele yakukomena; mutwe wa lubala kaumweka kwiinda mu zuba; kasamu kapilingene mu janza lyakwe; kaongolola, “Aleluya!” Kuselemukila ku Egepita, kuyo tola bweendelezi. Iiyi.

Inga cakubamba kulilemeka bweenzu.

<sup>164</sup> Kwayanda caka mubamba kulilemeka bweenzu, pele wa kalamwa. Nkaambonzi? “Ndi inka a nduwe, Musa. Ndiyo bweza musako oyu uli mu janza lyako, alimwi Ndiyo vuna bantu Bangu.” Lino, kasamu kaniini kakaindi kapilingene tii kakali kweebeka maningi, pele, mukwesu, wa kalamwa nkaambo Ijwi lya Leza lyakali a nkako.

<sup>165</sup> Yebo ulizi Ijwi lya Leza lili a nduwe, alimwi muli nduwe, inga walawma.

<sup>166</sup> I bana ba Hebrayo, ba kalamwa kuti Wa kali kukonzya kubamba Ijwi Lyakwe, iifyi, kufumbwa kuti bakali kukonzya kwiima ali Ndilyo. Leza waka baambila kutakotamina mituni. Nce ncico ncobeni Leza ncakali kupandulula. Elyo ba kalizi kuti na teeба kakotamina aansi ku mutuni oyo, kuti Leza wakali kukonzya kubamba Ijwi Lyakwe. Ba kalamwa kuti Mbwa kabede. Elyo mpawo cindi niba kalamwa a kwiima a Ijwi Lyakwe, Leza wakali kubikkila maanu kujatikizya kwiima a mbabo.

<sup>167</sup> Cindi mwalamwa kuti Eli ndi Ijwi lya Leza, Leza ulabikkila maanu ku mubamba a Ndilyo. Kali Soleka, kwiinda mu masena akutolela lusyomo a koonse, cindi walawma kuti Uli luleme. Pele, weelede kulamwa, mpawo Leza uyo bikkila maanu kuli nduwe. Pele, lutaanzi, weelede kulamwa kuti Ngo Nguwe, alimwi Ula bamba cisomezyo Cakwe, mpawo Leza ulabikkila maanu.

<sup>168</sup> Marta wakalamwa kuti na Jesu wakalomba Leza, kuti ciyo citika. Waa kati, “Ta ndikwe makani eco bamwi babo nco baamba. Ta ndikwe makani naba mucizi wangu Maria ta syomi muli ncico. Ta ndisyomi, tandikwe makani eco rabi ncaambla. Pele, Mwami, ikuti Yebo nokali kuno, mukwesu wangu natakafwa.” Elyo wa kati . . . “Nekuba lino, Nda lamwa, ikuti na Wa lomba Leza, Leza uyo cipa kuli Nduwe. Ciyo citika. Ndiya kunselelo ncobeni, kugusya bbwe. Ndiyo libambilka nkambo ka ndilyo. Nda lamwa.” Masimpe.

<sup>169</sup> Amuyeeye bataata, kumusanza mu Kentucky, myaka yakainda. Zisyango zyoonse zyakali kuyuma kupya. Elyo mukambausi mudaala sinyendo wakainda, alimwi wa kali

mudaala wakali kabotu loko. Cindi naka fugama ku mazwi aakwe, wa kakkala awo mane cintu cimwi cacitika. Buzuba obo, boonse bakali kuyanda kukombela mvula kuti iboole. Taata wakati, cindi oyo mudaala naka fugama ku mazwi aakwe, alimwi wa kabona maanza akasutana kaaya mujulu, wa kati, "O Leza, Nda ka Ku belekela. Bantu aba mbi Bako, nkabela zisyango zyabo zilapya." Taata wakati wa kasweemuka kuzwa mu mbungano, akuunka okuya kugusya cuuno kuzwa ku kambongolo kakwe, kacisowela kunsi lya mbungano, nkaambo wa kalizi kuti mvula yakali kuboola. Walamwa, iyi, munene, mpawo wakali kubikkila maanu ku cuuno cakwe. Waakumana kulamwa!

<sup>170</sup> Marta kati, "Ikuti Nokali kuno, mukwesu nata kafwa. Pele nekuba lino, kufumbwa cintu Neo lomba Leza, Leza uyo cipa kuli Nduwe. Mbo mbubo. Ciyo citika, ikuti na Uyo lomba Leza." Sa eco tacili cibotuloko?

<sup>171</sup> Jairasi, a mutunta mu ng'anda yakwe, mwana wakwe alikke, myaka ili kkumi aibili yakukomena, musimbi muniiini. I mulumbe wakasika, "Uta penzyi Simalela, nkaambo uli fwide kale." Elyo Jesu wakati...

<sup>172</sup> Lutaanzi, wa kati kuli Jesu, "Mwana wangu musimbi akwalo uli fwide, pele Nda lamwa." Aleluya! "Bool, kobikka maanza Ako ali nguwe, ulaba kabotu." Kalamwa!

<sup>173</sup> Wa kamvwide Jesu. Wa kalizi milimo Yakwe. Wa kali musyomi wakumbali. Kunsi kwa moyo wakwe, wa kasyoma kuti oyo wakali Mwana wa Leza. Wa kalamwa cakumaninina kuti mbwakabede. Nywebo mulizi, sa eco tacili ceenzu? Leza waka mu sungilizya ku kaambo.

<sup>174</sup> Leza ulizi nzila yaku kusungilizya. Mbubo. Ziindizimwi Ula kupa malwazi, zintuzyonse zimbi, ku kusungilizya buyo kuli ncico, kutondezya mubala wako, obo mbobede.

<sup>175</sup> Kamu sungilizya. Jairasi waka sungilizigwa ku cisyoma. Aboobo mpawo wa katondezya obo mbwa kabede. Kati, "Ikuti na Uyo boola, kobikka maanza Ako aa musimbi wangu, nekubakuti uli fwide, uyo pona." Oh, ma! Nda ciyanda eco.

Ndi yeeya kuti, Marta wa kaamba cintu nciconya.

Jesu wakalamwa a Nguwo, awalo.

<sup>176</sup> I silumamba muna Roma, musunguli, wa kalamwa, ikuti naka konzya buyo kubamba Jesu kwaamba Ijwi. Amuswiilile kuli silumamba oyo, muna Roma, Namasi, muhedeni. Wa kati, "Ndili muntu kunsi lya bwami. Nda amba ku muntu *oyu*, *oyu* silumamba, 'Yebo koya *awa*', nkabela wa unka. Elyo Nda amba kuli *oyu umwi*, 'Bool,' nkabela wa boola." Nkaambonzi? Wa kali atala lyakwe. Ncinzi nca kali kupa bumboni? "Jesu, Uli ku malwazi oonse. Uli ali ncico coonse. Ikuti na Nda konzya buyo ku

Kumvwa kwaamba Ijwi, mulanda wangu uyo pona. Nda lamwa cakumaninina.”

Elyo mpawo, kumane zyoonse ezyo, nekubabooobo ta tucilamidwe. Mwabona?

<sup>177</sup> Ino cakali cinzi? Jesu wakati olo lwakali lusyomo lupati. Ta ka cijana eco mu Israyeli. “Koamba buyo Ijwi.”

<sup>178</sup> Nceeci Mbo cibede, mpoonya *Awa*. “Cindi mwa komba, amusyome kuti mwatambula eco neco mwalomba, nkabela muyo citambula. Ikuti na waamba ku dundu eli kuti, ‘Ko zyuka,’ akuta zumbauzya mu moyo wako, pele kusyoma kuti eco neco waamba ciyo citika, inga watambula eco neco waamba.”

<sup>179</sup> Mpawo kulyaamba. Inzi? “Ku mibunda Yakwe Nda kaponesegwa. Ku luzyalo Lwakwe Nda kafutulwa. Kwinda ku cisyomezyo Cakwe Njo swiilila, alimwi Njo zuzigwa a Muuya Uusalala.” Mpaawo we, ikuti na walamwa kuti Ula bamba Ijwi Lyakwe. Pele lutaanzi weelete kulamwa.

<sup>180</sup> I mwanakazi wakali kuciswa kuzwa bulowa, waa kalamwa; takukwe makani eco rabi nca kaamba, a ceeco mupaizi nca kaamba, a ceeco mulumi wakwe nca kaamba, a ceeco umwi umbi nca kaamba. Waa kati, “Oyo Muntu Uusalala. Walo Mwana wa Leza. Elyo ikuti na Nda konzya kuguma moombe wa cikobela Cakwe, nkukoonse Nkwe elede kucita. Nda lamwa kuti Ndiyo oba kabotu.” Nekubakuti dokotela waamba kuti takonzyi kuba kabotu, pele waa kati, “Nda konzya kuba kabotu ikuti na Nda konzya kuguma moombe wa cikobela Cakwe.” Waa kalamwa.

<sup>181</sup> I mwanakazi ku mukalo wakalamwa kuti Wa kali Mesiya, cindi na kabona citondezyo eco ca lugwalo, kuti waa kalizi eco Mesiya ncakali kuyooba. Muli Mbwe amba cifumo cino, obo buumi bwa kakanzwa kabukkede alya. Elyo walo mbwa ka... Alo, meenda akasaala akatika... I maanzi atontola, mubwini, katila aa Ijwi eelyo lya buumi eelyo Leza ndya akakanza kuzwa ku malengelo aa inyika, waa ka Li bona cakufwambaana mbuli boobo. [Mukwesu Branham wanontola tunwe twakwe—Mul.] Cindi, kwakali bakutausi okuya, teeба ka Li bona; bapaizi abo bata ka Li bona; bapaizi bapati tiiba ka Li bona; bakambausi bapati tiiba ka Li bona; baka Li ita kuti “dyabulosi.” Elyo oyo muvuule, muniini mucete okuya, Leza wakakanza ceeco kuzwa ku malengelo aa inyika. Ikuti na wakasola kuba okuya, wakaliko, ayebo.

<sup>182</sup> Lino, Bbaibbele lyakati, “Ku mazuba akumamanino, sikulwanakristo uyooba mukombi loko, a kunji mbuli cintu cini, mane kuyo cenga mbabonya Basale ikuti nicali kukonzeka.” Pele, tacili obo. Mbo mbubo. Elyo, “Boonse.” “Uyo cenga boonse, aa nyika, abo bata kajisi mazina alembedwe mu Bbuku lya Buumi ilya Mwanaambele.” Kuzwa ku lubukulusyo lwa mamanino? Eco tacimvwiki mbuli Bbaibbele, mbo cicita? [Mbunga yaamba, “Peepe.”—Mul.] “Kuzwa ku malengelo aa

inyika.” To kaba cengi, nkaambo bali kkede moonya mu Ijwi eelyo. Cindi babona zintu ezyo ka zilibonya, Bwalo Mbuumi, bala Bujata ndyoonya lino. [Mukwesu Branham wanontola tunwe twakwe.]

<sup>183</sup> Bamwi bayo enda koonse, akuti, “Aah, takukwe cintu kuli Ceeco. Huh!” Mwabona? Taba lamidwe. Takukwe cintu muya ca ku balamya. Taakwe cintu muli mbabo, caku syoma.

<sup>184</sup> Baama bakali kunga balaamba, “Mbobuti mbo konzya kujana bulowa kuzwa kuli ntinde kakuli kwiina bulowa muli ncico?” Mbubo.

<sup>185</sup> “Mbelele Zyangu zilamvwa Jwi Lyangu.” Zili lizi Ijwi. Ino Jwi Lyakwe niinzi? Ndeeli Mbo libede. Otu tunsiyansiya tatu tobeli. “Pele, ba mvwa Jwi Lyangu, bala Li tobela.”

<sup>186</sup> Mwanakazi ku mukalo wakalamwa cakumanininna. Mpawo waa kali kubikkila maanu kuti bantu bakwe noba kabona citondezyo eco a ku Ci syoma, naka mana kulamwa kuti Oyo wakali Mesiya. Nkaambo, Wa kamwaambila lyakali penzi lyakwe. Waa kati, “Munene, tu lizi cindi Mesiya aboola, Uyo cita ceeco.”

<sup>187</sup> Wa kati, “Nde Ndime.” Waa kalizi muntu wakali kukonzya kucita cintu eco kuti inga ncobeni waamba Bwini. Bulemu kuli Leza! Iiyi, muntu oyo Leza ngwa belesya mu ciyanza eco taka beji. Mbubo. Uyo kwaambila Bwini. Kati, “Nde Ndime.”

<sup>188</sup> Elyo waa kali boteledwe loko cindi Mumuni oyo niwa kamwaika kwiinda mu Ijwi eelyo, waa kazuzila mu muunzi. Waa kalamwa cakumanininna. Naa waa keelede ku, na pe, waa kazuzila mu muunzi a kubaambilma ma rabbi a bapaizi, elyo bantu boonse mu tugwagwa, bantu ba misika, a kutala mu zintoolo zyoonse. Elyo atala ansi lya kagwagwa waa kaunka, kuyoopa bumboni, “Amuboole, mubone Muntu Oyo wandaambila zintu Nze kacita. Kobweza Bbaibbele lyako. Langa mu skroo. Sa obo tabuli Bwini, kuti Oyo ngo Mesiya nguwenya?” Waa kalamwa. Uyo buka mu lubeta a kupa kaambo ka bantu bali zyuulu kuzwa mu United States okuno. Uyo cita ncobeni.

<sup>189</sup> Nywebo mulizi, Jesu wakati, “I namalelo waku musanza uyo buka mu lubeta, kubapa mulandu, nkaambo waa kaboola kumvwa cipego ca busongo, eco Solomoni nca kajisi, kutweluka.” Elyo kati, “Ii mupati kwiinda Solomoni mpali awa.” Masimpe. Pele nekubaboobo bantu tiiba ka Mu syoma. Masimpe.

<sup>190</sup> Waa kalamwa, alimwi waa kali kuyanda bantu bakwe kulamwa. Mwabona? Naka mana kulamwa, mpawo waa kabikkila maanu ku bantu bakwe. Waa kalizi kuti Oyo wakali Mesiya. Waa kalizi eco Bbaibbele ncolya kaamba kuyo citika cindi Mesiya akuboola.

<sup>191</sup> Waa kati, “Tu lizi kuti Mesiya, oyo uutegwa Kristo, cindi Aku boola, Uyo twaambila zintu. Pele We elede kuba musinsimi.”

Jesu wakati, “Ndime Nguwe.”

<sup>192</sup> Ngooyo waa kalamwa. Nkaambo, waa kalizi kuti Lugwalo lwa kaamba booboo, elyo mpaawa Mbo lwakabede. Waa kalamwa, mpawo waa kali kubikkila maanu. Waa kaunka a kwaambila muntuumwi umbi.

<sup>193</sup> Lino, Jesu wakalamwa kuti Uyo buka ku buzuba bwatatu. Wa kalamwa maningi, Wa kati, “Amu nyonyoone tempele Eli, nkabela Njo liyaka mu buzuba bwatatu.”

<sup>194</sup> Nkaambonzi? Davida, mu Magwalo, kunsi lya bunanike, musinsimi. Davida wakali musinsimi, nywebo mulizi. Davida, kunsi lya bunanike, wakasinsima, a kuti, “Nse kasiyi buntu Bwakwe mu gehena, naanka kuti Nka lekele Umwi Wangu Uusalala kubona kubola.”

<sup>195</sup> Elyo Wa kalizi kuti ciindi cimwi mu maora ali makumi ali ciloba aabili, kubola kakutana talika kuba mu mubili oyo, Wa kalino ubusya. Maora ali makumi ali ciloba aabili mazuba otatwe a masiku. Wa kati, “Amu unyonyoone, nkabela Njo ubusya alubo,” kulamwa cakumaninina, mbo mbubo, kuti Uyo liyaka alubo. Wa kalizi kuti Magwalo taakonzyi kukakilwa. Aleluya!

<sup>196</sup> Nda lamwa kuti Ngu mbobuca nguwenya, sunu, amuya myaaka. Nda lamwa, mu mulimo a Mulumbe, Ngwe kambauka, Nda lamwa kuti Mbwini. Nda lamwa kuti ezi zilengaano zizwa kuli Leza. Nda lamwa kuti tupona mu mazuba aa mamanino. Nda lamwa kuti oyu Muuya nguwenya uuli aali ndime eno ngo Muuya Uusalala. Bulemu!

<sup>197</sup> Nda lamwa cakumaninina. Nda lamwa kuti nzila ya Muuya Uusalala ili luleme. Nda zulwa kuti nzila ya Bbaibbele Mbwini. Nda lamwa kuti Oyu ngu Jesu Kristo awa eno. Nda lamwa. Ikuti na twa Mu syoma ku kaindi aka, Nda lamwa kuti Uyo ponya bantu boonse baciswa mu kaindi kaniini, kulaba kwa liso. Nda lamwa kuti Uyo tila Muuya Uusalala atala awa, kusikila kuyooba koongolola kuli booboo, kusikila nciyumu kwaamba eco ciya kucitika.

<sup>198</sup> Nda lamwa. Nda cisyoma a moyo wangu oonse, kutali kaambo kakuti Ndili mudaala. Nda kakambauka eci cindi Ne kali mwana, kutali kwiinda ku myaka ili makumi obilo yakukomena. Nda kalamwa kuzwa buzuba obo Na kandi swaana ku mulonga. Aleluya! Nda lamwa kuti Mpali ano eno. Nda lamwa. Elyo oyo Musumpululu wa Mulilo ngo Musumpululu wa Mulilo nguonya wakali antoomwe a Israyeli mu nkanda, ngo Musumpululu wa Mulilo nguwenya antoomwe a Mbungano sunu. Bulemu! Nda lamwa kuti Cili luleme. Nda pa buumi bwango nkambo ka Nguwo. Nda kasiya ng'anda a zintu zyoonse

zimbi, kupa zintu zyangu zyoonse nkambo ka Nguwo. Nda lamwa kuti Ngwa Bwini.

<sup>199</sup> Nda lamwa kuti Mpali ano eno. Nda lamwa kuti Muuya oyu uuli ano eno Muuya Uusalala. Nda lamwa kuti twa bapatizingwa mu Muuya Wakwe ndyoonya eno. Ndi lizyi Mbwini. Nda lamwa cakumaninina kuti Jesu Kristo ngu mbobuca nguwenya, sunu, amuya myaaka. Nda lamwa, kulamwa cakumaninina.

<sup>200</sup> Oyo Angelo wakandi swaana kutala kuya a kundaambila eco Nca kacita. Nda kaima kumbele lya bahedeni kwiinda ku zyuulu, a makumi aa zyuulu. Yebo wati, “Sa to yoowede?” Peepe, munene. Nda lamwa kuti Ca kazwa kwa Leza. Nda lamwa nkaambo Ca kali ca Lugwalo. Nda lamwa kuti Ngu Angelo wa Mwami. Nda cisysoma a coonse eco cili mu moyo wangu. Ameni. Nda lamwa, ikuti na twa lomba Leza cintu cili coonse, inga Wa cipa kuli ndiswe. Yebo uyoowa buyo. Uta yoowi. Uli ano.

<sup>201</sup> Nda lamwa kuti oyo Muuya nguonya ngo mumvwa, i Muuya Uusalala uli mukweenda muli ndiswe, Nda lamwa kuti Oyo ngu Kristo. Ameni. Nda lamwa eco ndyoonya eno, kuti, Eci ncencico nce Ndi langide, mubalo oyu wa Mumuni kumbele lyangu, Nda lamwa oyo ngo Muuya Uusalala. Nda lamwa kuti cilengaano cili ku meso angu. Ndi lizi Mbwa bede. Ameni. Nda zundikizya badyabolosi boonse mu nyika, oora eeli. Mbubo! Ngu Leza. Kristo tali musinsimi buyo, Ngu Leza, kwiina cintu cilela kuli ncico.

<sup>202</sup> Atu kotamike mitwe yesu aniini buyo. Nse cikonzyi limbi kukambauka. Humu! Bunanike buli boobo! [Kabeela katakwcintu aa teepu—Mul.]

<sup>203</sup> Lilelekwe Zina lya Mwami! Kulamwa cakumaninina kuti Ngu Jesu Kristo, mbobuca nguwenya, sunu, amuya myaaka!

<sup>204</sup> Taata Wakujulu, Nda lamwa kuti Nduwe. Nda komba, Leza, kuti mbuli Mbwe siya cibumbili eci, sunumasiku, kuti Uyo cita cintucimwi cisalesale. Tondezya ku bantu, aciindi cimbi, kuti Ndo Nduwe. Nda pa eli bbunga kuli Nduwe. Mwami, tuli mu maanza Aako. Ko cita a ndiswe mbuli Mbo bona kwelela. Mu Zina lya Jesu. Ameni.

Cintucimwi cakacitika. Nda lamwa kuti Leza nkwalii.

<sup>205</sup> Sena wavozya makkaadi aa mipailo, makkaadi ali oonse aa mipailo? [Muntu umwi waamba, “Peepe.”—Mul.] Peepe. Ta tuyandikani ngawo. Nda zulwa kuti Mpali ano. Mula cisysoma?

<sup>206</sup> Ikuti na walamwa cakumaninina, kwaamba, “Jesu, Nda Ku guma, a kulimvwa kwa kulengauka kwangu. Nda syoma kuti Mukwesu Branham waamba Bwini. Walo muntu buyo. Nduwe Leza. Pele Nda syoma wa kaamba Bwini, nkaambo Ndi Ijwi. Cilekele cicitike, Mwami. Ko mulekela kukanana kuli ndime aku ndaambila. Kondi lamya.”

<sup>207</sup> Ngooyu Mbo ubede, kale mu muswaangano. Oyo mulindu ukkede alya, ukombela bulwazi bwa kulibili. Musimbi wakwe muniini, a nguwe, wakaleka kukomena. Sena uyo cisyoma? Baama bacisidwe ku muunzi. Koba a lusyomo. Uta zumbauzyi. Inga watambula eco nco lomba.

<sup>208</sup> Nda zulwa kuti Angelo nguwenya oyo wakaseluka mu ciimo ca Muntu a kwaambaula kuli Abrahamu, a sule Lyakwe kalifutete ku tente, Ngo nguwe nguonya awa sunumasiku. Wa ka cisyomezya kuyooba. Nda syoma kuti oyo Angelo nguwenya ula tunanika, nkaambo Wa kali Leza. Sena mula cisyoma? Yaa, Sarah, awa abusena bumwi, ula kanana kuli Leza. Nda lamwa, mucizi. Nda lamwa mukwesu, Ndi lizi Mbwini. Cili masimpe.

<sup>209</sup> Ngooyo mulindu ukkede kusule lyangu. Ujisi penzi lya moyo. Uli kkede nkoonya kusule lyangu. Nse muzi pe. Ula ima kumbele lyangu. Walo mwanakazi wamusela waakatikati. Ta zwi kokuno pe. Walo uzwa ku Virginia. Muka. Fox, Jesu Kristo wakubamba kuba kabotu. Uli kkede moonya omuno. Atu bone. Oyu ngo nguwe, mpoonya *awa*. Syoma.

<sup>210</sup> Sena mula syoma? “Ikuti na mwakonzya kusyoma, zintu zyoonse zilakonzeka.”

<sup>211</sup> Ino ueyeza nzi kujatikizya ncico, mulindu? Sena yebo a Ndime tatuzeibene, umwi aumwi? Yebo ula ndisyoma kuba musinsimi Wakwe? Ula cita na? Ujisi penzi lya mutwe. Mbo mbubo. Zina lyako ngu Muka. Moore. Ikuti na mbo mbubo, tambika janza lyako. Koya ku muunzi. Ko ponesegwa.

Sena mula syoma?

<sup>212</sup> Lino muntu umwi atala awa, kumbele lyangu awa. Nceeci we, muntu umwi. Walo mwanakazi. Ujisi kkulenge aa nkolo. Muka. Rhodes, syoma Mwami Jesu Kristo. Ta ndizi mwanakazi. Leza uli muzyi. “Ula konzya kusyoma, zintu zyoonse zilakonzeka.” Ncibotu.

<sup>213</sup> Ii mwaalumi ukkede kulaale, kakomba, kuzwa ku Tulsa. Ba. Harwood, syoma Mwami Jesu Kristo. Koya, koba kabotu. Koba a lusyomo. Nkukoone nko jisi. Nse muzi mwaalumi, nsena mubwene mu buumi bwangu. Tuli beenzu. Pele mbo mbubo. Nkaambonzi? Wa guma Cintucimwi.

<sup>214</sup> Sena mwalamwa? [Mbunga yaamba, “Ameni.”—Mul.] Sena mwa kalamwa kuti Leza ula bamba Ijwi Lyakwe? [“Ameni.”] Ikuti na walamwa, mbangaye banu bajisi kubula?

<sup>215</sup> Lino, masimpe, mbuli mwanakazi mbwa kayeeya ku mukalo...mubuzye bantu aba. Kamuya, mukaambaule kuli mbabo, kufumbwa oko nkoba...

<sup>216</sup> Nda bona umwi umbi. Iiyi, umwi umbi. Amuswiilile, amubone ikuti na cili luleme na pe. Lino Uli mukuzunguluka buyake. I buyake boonse buli nanikidwe, busena boonse.

Nda lamwa kuti Busyu bwa Jesu Kristo buyo ponya muntu oonse awa.

<sup>217</sup> Sena mwa kalamwa mbubonya? Mwa lamya kuti Nda kwaambila Bwini na? Leza ula simpikizya kuti Ndi kwaambila Bwini? Mpawo, Nda lailila kuti wiime ku matende aako a kutambula kuponesegwa kwako, mu Zina ly a Jesu Kristo. Ikuti na mwalamwa, amunyamune maanza anu kuli Nguwe, aku Mu lumbaizya.

<sup>218</sup> Taata Wakujulu, Muuya Uusalala, kozuzya buyake obu. Ba lamwa kuti Saatani wazundwa.

<sup>219</sup> Mu Zina ly a Jesu Kristo, Saatani, kozwa mu busena obu awa. Twa lamwa kuti obu Mbusyu bwa Jesu Kristo awa. Elyo ciyo citwa. Ameni.



*KULAMWA MPAWO KUBA AKUYANDISISYA* TNG62-0610E  
(Convinced Then Concerned)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsono mangolezya, Gandapati 10, 1962, ku Aberdeen High School mu Aberdeen, North Carolina, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)